

刑
案
匯
覽

刑案匯覽卷四十一

目錄

毆大功以下尊長

聽從尊屬謀死以次小功尊屬

毆死總尊爲從刃傷分別軍流

聽從胞叔共毆小功叔祖身死

聽從胞叔主使毆傷功伯身死

聽從尊屬毆死爲匪小功尊屬

毆死搶錢勒罰之總麻叔

聽從尊長疊毆大功堂兄身死

聽從父命毆死功兄骨損一傷

疊毆傷多情無可原未便擬流

聽從毆打邂逅至死毋論致命

聽從大功兄毆死降服胞兄

聽從伊父主使疊毆功兄至死

共毆尊長成篤首從俱係卑幼

聽從幫毆總麻服兄成篤身死

毆功尊成篤題結後捏報傷痊

砍落總麻尊屬右手食指二節

毆傷總麻尊長餘限內身死

刃傷期功尊長並餘限外身死

毆總麻尊長成篤餘限內身死

同謀共毆總麻尊屬限內身死

毆總尊至正餘限外抽風身死

咬傷胞叔正餘限外因風身死

毆傷大功兄餘限內因風身死

毆小功叔趙十六日抽風身死

毆傷胞兄正限內抽風身死

挫傷功兄正限外因風身死

毆傷小功兄正限外因風身死

毆總麻尊屬越十日因風身死

咬傷總叔因溲水潰爛身死

刃傷功尊限內平復不准減等

尊長毆傷卑幼餘限內身死

毆死尊長原謀病故不准減等

共毆功兄身死餘人仍科傷罪

共毆總麻尊屬身死係人擬徒

共毆總麻尊長身死餘人擬杖

共毆小功卑幼身死餘人減科

聽從尊長主使下手毆死卑幼

尊長向斥被毆毆死小功服弟

尊長毆死擾害他人之總麻姪

揪扭總卑同跌落水卑幼溺斃

搭死小功堂妹恐係謀故毆審

毆死同堂卑幼擬流者應斷產

刃傷總麻卑幼三人酌加一等

小功堂弟欲向趕毆撲空跌斃

並未爭抗功兄趕毆自行跌斃

卑幼過失殺傷功服尊屬

誤殺功尊止准夾簽不准留養

情可矜憫親老丁單一併夾簽

功尊偷放田水回獄二傷適斃

功尊理曲先毆抵格二傷適斃

子死非命還毆功尊二傷適斃

題稿已會三法後又加擬夾簽

母死悲怨被毆抵格刃斃功尊

祖墳被創毆死功尊准其夾簽

故殺空毀祖墳之小功叔

被毆嚇抵致斃功尊應准夾簽

被毆拚奪跌斃功尊應准夾簽

搪抵致斃理曲功尊應准夾簽

被砍抵格致斃功尊不准夾簽

抵格傷多情近互同似難夾簽

抵格加於砍截之上難以夾簪
因救護兄毆死功兄情無可原
救母毆死功兄並無急情可原
救父毆死功尊係互鬪不准減
截斃功尊情係互鬪不准夾簪
截死功尊致命傷重不准夾簪
嚇毆功尊誤斃功尊不准夾簪
抵截功尊斃命應分有心無心
毆死期功尊長應分有心無心

嚇抵致弊功尊分別有心無心

毆死期功尊長不得遽請夾簽

毆死尊長率請夾簽應行議處

刑案匯覽卷四十一目錄終

刑案匯覽卷四十一

毆大功以下尊長

聽從尊屬謀死
以次小功尊屬

因瘋毆死功經
服制之案載戲
殺誤殺過夫被
傷人條

刑案匯覽

廣西撫 咨開啟彰因期親胞弟閉啟平行竊無匪

王使小功服姪閉見廣閉秀壽幫同捆縛將閉啟平

沉塘溺斃可否將該犯等照律擬罪隨案夾發聲明

之處咨請部示查追於尊長赫逼勉從下手毆死功

服尊屬例得減等擬流毆死期親尊長准予夾發謀

溺固較聽從下手毆打為重惟同一被逼勉從空與

無故干犯者有間閉見廣等被閉啟彰赫逼將閉啟

小功兄逼令刃傷致斃案載謀殺祖父父母條

殺死怒尊為從刃傷分別軍流

平擡至塘邊其推落入水係由閉啟彰下手該犯人

並未加功與有心謀殺尊長者迥不相同自應照本

律問擬駢首以重倫常仍援例夾簽聲明以示矜啟

應令該撫查照辦理
道光六年說帖

安徽司 呈安撫題黃守萬主使子姪黃玉阜等毆

死小功弟黃守明一案查例載聽從下手毆死總府

尊屬照律減等擬流又卑幼共毆總麻以上尊屬依

成篤疾除首犯依律分別絞決絞候外聽從督撫之

卑幼若有折傷及刃傷者發極邊烟瘴充軍又兇恨

傷人首級近邊充軍各等語是依律減等擬流乃卑
幼聽從下手毆死總麻尊屬之專條折傷及刃傷擬
軍乃卑幼共毆總麻以上尊屬之通例情節迥殊例
義各別又例內聽從下手毆死功服尊屬者分別擬
近至死及疊毆多傷判罪之輕重至聽從下手毆死
總麻尊屬之案則依律擬流是其不因疊毆多傷而
加重例義亦可概見此案黃玉早被伊父黃守萬嚇
逼勉從用庫刀砍傷總麻叔黃守明身死正與減等
擬流之例相符該撫因疊砍多傷援引卑幼共毆案

內刃傷及折傷例發極邊烟瘴充軍是並未詳參選
近至死及疊毆多傷各情節本例以剖晰分明遂合
聽從下手毆死總麻尊屬之事條牽引卑幼共毆總
麻以上尊屬之通例情罪實未允協且同時聽從毆
砍尙有黃玉成一犯並非致死亦係刃傷該犯既援
例擬軍將來黃玉成獲案時又憑何條引斷揆諸案
情例義均有格擬難行之處惟查庫刀係例禁兇器
歷來辦理命案內罪應擬流之犯如傷係兇器均經
援例擬軍未便置之勿論黃玉早除聽從下手毆死

總麻服叔罪應擬流輕罪不議外合依兇器傷人例
後近邊充軍是否有當仍請

交館覆核等因

職

等復查聽從尊長下手毆死總麻尊

屬者例止減等擬流至共毆總麻尊屬至折傷發極
邊烟瘴例內既載有共毆總尊成篤首犯依律絞候
絞決之語可見此條係指共毆之犯分均卑幼而言
若聽從尊長毆打至死自不得牽引此例此案黃守

萬因小功服弟黃守明將伊妻惟跌查知生氣往向
理論喝令伊子黃玉早等將黃守明毆傷身死律應

以主使之人爲首該省將黃守萬依尊長毆死小功
卑幼律擬絞監候黃玉早聽從伊父主使用庫刀疊
砍總麻服叔黃守明傷至骨碎筋斷該省將黃玉早
照卑幼共毆總麻以上尊屬若有刃傷及折傷例發
極邊烟瘴充軍查黃玉早聽從尊長砍傷總麻尊長
折傷例止擬流惟該犯所用庫刀係屬兇器在常人
則問擬近邊充軍兇器致傷尊長向俱按服制遞加
凡人科罪黃玉早應於凡人兇器傷人近邊充軍罪
上按總麻服刑加二等發極邊足四千里充軍前奉

交館查核

職

等以該省問發極邊烟瘴充軍應仍照名

例以極邊足四千里爲限雖非專條核與兇器致傷

總麻尊屬加等問發罪名無所出入尙可比照定擬

是以稟請照覆現據該司繕具說帖呈請交館覆核

職等查該司議將黃玉早照兇器傷人例發近邊充

軍置服制加等於不議仍未允協應將黃玉早改爲

兇器傷人發近邊充軍例上加二等發極邊足四千

里充軍

道光七年說帖

河南司

查名例載言皆者罪無首從不言皆者依

經從施叔共毆
小功叔祖身死

首從法又律載卑幼毆本宗小功兄姊杖六十徒一
年尊屬加一等死者斬若尊長毆卑幼至死者殺監
候又弟妹毆兄姊死者皆斬又例載聽從下手毆本
宗小功大功尊屬致死除主使之尊長仍各按服制
以爲首科斷外下手之犯審係迫於尊長威嚇勉從
下手邂逅至死照威力主使律爲從減等擬流若尊
長僅令毆打而輒行毆毆多傷至死者將下手之犯
擬斬監候又期親卑幼聽從尊長主使勉從下手共
毆以次期親尊長致死係尊長下手傷重致死卑幼

期親卑幼聽從
幫毆以次尊長
下手傷輕之例
已於道光十四
年奏准刪除

幫毆傷輕除下手傷重致死之犯各照本律本例分
別問擬外下手傷輕之卑幼依律止科傷罪又卑幼
共毆本宗外姻總麻以上尊長尊屬致成篤疾之案
除首犯依律分別絞決絞候外其聽從幫毆之有服
卑幼如僅止手足他物輕傷不分服之親疎仍依爲
從減等律問擬滿流各等語詳繹律義毆期親尊長
死者皆斬原與名例罪無首從之文符合至毆大功
以下尊長至死者斬律文雖不言皆不得拘泥名例
依首從法誠以凡人共毆致死案內餘人既別有罪

名則餘人卽毆至折傷以上亦祇可計傷定罪不得
於首犯罪上減等定擬若將共毆致死功服以下傷
輕之卑幼概照爲從擬流是服制各有親疎罪名漫
無區別且本條尊長毆卑幼至死者絞與卑幼毆尊
長至死者斬同係律不言首勢不能亦按名例科尊
長以爲從擬流之罪是以律註凡毆傷期親尊長則
載明依首從法於毆大功以下尊長律內並未載及
應分首從而向來辦理共毆功服以下尊長致死各
案除聽從主使例有明文其尋常幫毆之卑幼亦

均止科傷罪傷有重輕則罪分差等傷重則其罪應重且有重於共毆成篤爲從者並非致死爲從概輕於致傷爲從也此案李二與聽從胞叔李拐共毆小功叔祖李紹詩身死該犯聽從在場幫按致李拐毆傷李紹詩斃命自應驗明屍傷分別定罪如未至折傷應將李二與按毆小功尊屬律擬杖七十徒一年半如聽從共毆至折傷以上卽應照例分別擬以徒流儻係各自下手毆有成篤重傷卽應照係擬絞傷有重輕故罪有區別如謂共毆至死必應重於共毆

成篤則凡關中共毆成篤之從犯罪應滿徒而共並
至死之餘人何以止擬滿杖即至聽從尊長至使勉
從下手傷輕之卑幼止科傷罪一條例內既載有以
次字樣可知主使之尊長自亦係死者之尊長此案
首犯係死者之卑幼如李二與與已死李紹詩亦係
期親應照本律不分首從皆斬不在止科傷罪之例
今因係律服故得計傷科罪核與共毆期親尊長之
例尙不至服相軼應申明例意咨覆該撫查照辦
理

道光七年諭旨 附錄成案

嘉慶二十一年江蘇省題孫文在誤傷小功服叔孫
芳身死案內孫文更亦係死者小功服姪該省以
孫文更拳毆孫芳左右腮脰等處均非深重將誤
踢之孫文在擬抵孫文更依毆小功尊屬律擬徒
道光四年四川省題覃有林毆傷大功堂兄覃有啟
身死案內之覃有章亦係死者大功堂弟該省以
覃有章拳毆覃有啟不至於死惟覃有林毆傷爲
重將覃有林擬抵覃有章依毆大功兄律擬徒

道光四年四川省題李紅應等共毆總麻叔祖李春

聽從胞叔主使
毆傷功伯身死

先身死案內李萬學亦係死者小功堂姪該省以
李萬學刃傷李春先不至於死惟李紅應毆傷爲
重將李紅應擬抵李萬學依刃傷小功尊屬律擬
流

川督一題李洪聽從胞叔李開先毆傷小功服伯李
開堯身死將李開先依主使毆打至死以主使之人
爲首卑幼毆大功兄死者斬律擬斬立決李洪依尊
長僅令毆打而輒行疊毆多傷至死者將下手之犯
擬斬監候

嘉慶五年案

聽從尊屬毆死
爲匪小功尊屬

晉撫 題白在庚縣從功服祖母毆死爲匪小功尊
屬白小孩兒一案查白在庚係白小孩兒小功服姪
白小孩兒屢次偷竊經期親伯母白高氏訓教不悛
白高氏拾棍遞與白在庚令其毆打白在庚用棍毆
傷白小孩兒右腿等處因傷身死白在庚依聽從下
手毆本宗小功尊屬若尊長僅令毆打而輒行疊毆
至死者將下手之犯擬斬監候白高氏主使爲首依
罪不至死之卑幼因玷辱祖宗起見忿激致斃者無

論謀故悉照服制減等例杖一百徒三年

嘉慶七年
案

毆死搶錢勒罰
之總麻叔

江西撫 題曹五長致傷總麻服叔曹潤幅身死一
案此案曹五長係曹潤幅總麻服姪曹五長因胞叔
曹石壠之媳鄭氏前往母家與曾和順等路遇同行
曹五長心疑有調戲情事往告曹石壠查問曾和順
等不依經人處令曹五長陪禮寢事曹潤幅聞知欲
罰曹五長赴祠置酒服禮曹五長不允嗣曹潤幅見
曹五長挑錢赴墟置物邀允曹滿榮搶錢九千肩回
稱俟置酒再還曹五長前往索討曹潤幅不給並用
刀背將曹五長打傷曹五長取刀戳傷曹潤幅身死

查曹五長因總麻服叔曹潤幅令其置酒陪禮不允將伊錢文搶回稱俟置酒再還係屬挾制並非平空搶奪該犯向索錢文用刀將曹潤幅戳傷殞命在平人亦止係死者理曲尙得按圖殺問擬況尊長搶奪卑幼財物例照恐嚇取財料斷若卑幼因而致死尊長檢查律例並無寬減明文該省將曹五長依卑幼毆本宗總麻尊屬死者律擬斬監候與律相符惟該司於出語內添引親屬無搶奪例文而又指曹潤幅搶伊錢文字樣殊屬含混謹於稿尾內更正

嘉慶十九年說帖

聽從尊長毆
大功堂兄身死

陝督 咨何七十七聽從尊長毆大功堂兄身死
一案查律載威力主使人毆打致死以主使之人爲
首下手之人爲從減主使一等又例載聽從下手毆
本宗大功小功兄弟至死除主使之尊長仍各按服
制以爲首科斷外下手之犯審係迫於尊長威嚇勉
從下手邂逅至死者照威力主使律爲從減等擬流
若尊長僅令毆打而輒行毆多傷至死將下手之
犯擬斬監候各等語參觀例內迫於尊長及僅令輒

行等字之義一係迫於尊長之威嚇不敢不從毆非
出於本心一係有心干犯藉尊長之命乘隙毆律
貴誅心故擬罪有生死之別此案何七十七與已死
大功兄何回保住均係何掌亭胞姪何掌亭因何回
保住兩次行竊管教不聽何掌亭因其玷辱祖宗起
意毆打嚇禁冀其畏懼悔改令該犯同往幫毆該犯
不允反替何回保住說情求饒何掌亭氣忿囑罵欲
毆該犯被逼允從何掌亭先將何回保住毆傷復喝
令該犯毆傷其右腳跟倒地因其滾罵並稱將來犯

乾隆十一年刑部條奏毆死大功兄律文既不言皆似應分別首從但服制攸關未便竟照凡人威力主使爲從一體減流請嗣後聽從下手毆本宗功服尊長尊屬至死者除實係迫於尊長威嚇勉從下手避逆致死並非助毆傷多情重者將下手之卑幼仍照例減等科斷外其維

案板累何掌亭起意打成殘廢使其不能行竊自將何回保住按住逼令該犯用石塊連毆何回保住右臙肘兩下歇手復向求饒而散何回保住囚臙肘骨損傷重殞命該省以該犯當何掌亭往邀幫毆時不特不肯允從且向代求饒恕及其被逼前往主使毆打倒地後復喝令拾石打折腳骨該犯畏縮未從何掌亭生氣罵罵並稱打成殘廢有伊承當逼令狠毆該犯被逼無奈拾石連毆臙肘兩下卽行住手復向代求饒恕其爲並非有心干犯無疑第該犯聽從拾

尊長使令毆打情事而輒行毆至死傷多情重者將本犯擬斬監候經大學士會議奏准通行纂例

石連毆臙朋兩傷原驗骨損若竟照尊長僅令毆打輒復疊毆多傷至死之例擬斬該犯究係迫於尊長威逼勉從且與例內僅令及輒行等字意義不同若竟坐以毆從下手邂逅至死之例擬流該犯究係疊毆又覺情浮於法律例並無恰合正條咨請部示等因查何七十七毆傷大功堂兄何回保住身死雖毆有數傷俱係迫於伊叔之威嚇尙非出於本心案果屬實白應不計傷之多寡將該犯照例減等擬流惟是致斃尊長卽愚民莫不知爲法嚴罪重儆另挾有

風嫌乘間疊毆致死事後推卸而主使之尊長莫不
姑息生者捏詞串飾且自知毆死卑幼律不實擬絞
抵尤不難挺身直認狡供避就承審官自當澈底根
究以成信讞應令該督再行詳審該犯何七十七所
毆各傷是否迫於何掌亭之威嚇抑係伊叔僅令毆
打該犯輒行逞兇疊毆致斃務得確情按律妥擬

道光六年說帖

聽從父命毆死
功兄骨損一傷

陝督 題楊才聽從父命毆傷小功兄楊佐身死一
案查例載聽從下手毆本宗小功兄至死者除主使

之尊長仍各按服制以爲首科斷外下手之犯審係
迫於尊長威嚇勉從下手邂逅至死者照威力主使
律爲從減等擬流若尊長僅令毆打而輒行疊毆多
傷至死者將下手之犯擬斬監候等語是聽從下手
毆死小功尊長罪名之應斬應流總以是否疊毆多
傷爲斷此案楊才因小功服兄楊佐雇工閻小娃趕
驢飲水驢羣跑人該犯地內踐食禾苗經該犯等將
驢攆逐落河淹斃楊佐生氣邀同伊弟楊仁等理論
向該犯之父楊棲倫斥罵舉棍撲毆伊父喝令該犯

毆打該犯用鋏打傷楊佐顙門身死該督以楊佐顙門一傷業已損骨卽非疊毆亦是斃命且伊父僅止喝令該犯毆打並無嚇逼情狀與勉從下手邂逅至死者不同將楊才照聽從下手毆本宗小功兄至死尊長僅令毆打而輒行疊毆多傷至死例擬斬監候具題查楊才見父被毆聽從父命下手較之聽從期親以下尊長勉從下手者其情尤爲可原且所毆僅止一傷卽屬邂逅至死自應按例擬流該督以傷已損骨卽非疊毆亦是斃命將該犯照疊毆多傷至死

例擬斬殊不知例內止分是否多傷而不言傷之輕重蓋以邂逅至死之傷雖足斃命因非疊毆故得擬流若毆有多傷至死無論傷重傷輕俱應擬斬例義顯然不容牽混今該督以見父被毆聽從父命下手一傷之案引用尊長僅令毆打而輒行疊毆多傷至死之例殊未允協案關罪名生死出入臣部礙難率覆應令該督再行悉心按例妥擬具題到日再議

道光二年說帖口遵駁案錄後

查此案楊才因小功兄楊佐與伊父楊棲倫爭鬧楊

佐向楊棲倫舉棍撲毆楊棲倫喝令該犯毆打該犯
用鐵打傷楊佐額門越日願命前據該督以楊社願
門一傷業已損骨卽非疊毆亦足斃命將楊才照聽
從下手毆本宗小功兄至死若尊長僅令毆打輒行
疊毆多傷至死例擬斬監候具題經臣部以例內止
分是否多傷而不言傷之輕重蓋邂逅至死之傷雖
足斃命因非疊毆故得擬流若毆有多傷至死無論
傷輕傷重則俱應擬斬該犯楊才見父被毆聽從父
命下手一傷該督引用疊毆至死例擬斬殊未允協

駁令妥擬去後茲據該督將楊才遵駁改擬流罪並
稱因乾隆十九年山西省晉兆子一案又三十八年
山西省劉玉成一案均因聽從尊長喝令將小功尊
長毆扎致死俱止一傷因下手甚重俱擬斬候楊才
情事相同是以前將楊才問擬斬候等語查山西省
晉兆子等均係遠年成案並未通行著爲定例本不
得違例牽引該犯聽從父命毆傷小功兄楊佐僅止
顙門一傷與例稱輒行疊毆多傷者不符既據遵駁
將楊才改依聽從下手毆小功兄至死審係迫於尊

長威嚇勉從下手邂逅至死例擬以滿流查核情罪相符應如所題辦理至楊棲倫喝令伊子毆傷同堂小功姪楊佐至死應按服制以爲首科斷楊棲倫合依毆殺同堂小功姪律杖一百流三千里仍斷給財產一半養贍楊生監毆楊棲倫將伊父楊佐毆傷並不善爲救解輒用棍毆傷總麻服祖楊棲倫額顙雖因救護還毆惟該犯先經攜棍助勢已有幫毆之心仍應以服制科罪楊生監合依卑幼毆本宗總麻尊屬律杖六十徒一年

道光二年說帖

星毆傷多情無
可原未便擬流

蘇撫咨黃忝松聽從故父黃政美致傷大功堂兄
黃忝才身死一案查此案黃忝松因大功堂兄黃忝
才向伊父黃政美索錢不給用腰刀戳破黃政美衣
服黃政美喝令黃忝松毆打黃忝松將黃忝才扳倒
用斧背毆傷其左右肩甲左右臂並脊背左右腳
腕等處黃政美搗取繩索令黃忝松將黃忝才兩手
捆縛縛欲送官究治因其滾馬起意割斷腳筋喝令
黃忝松取刀向割黃忝松被逼勉從用刀將黃忝才
兩腿腓腓筋割斷次日殞命先據該省將黃忝松依

卑幼迫於尊長威嚇邂逅至死大功兄之例擬流咨
部經本部以邂逅至死減等擬流之例係指傷少適
斃者而言今黃忝松既經毆斃大功兄斃命自
應依尊長僅令毆打輒斃毆多傷至死例擬斬監候
馭令覆審妥擬今據該省援引道光三年安徽省審
題王太倉聽從母命毆傷出嫁胞姊朱王氏身死擬
流成案聲請將黃忝松仍照原擬咨部 賊等檢查王
太倉之案因出嫁胞姊朱王氏兩次隨同姦夫逃走
經伊母夏氏遇見斥罵王氏不服頂撞以鬧夏氏忿

極喝令王太倉毆打王太倉不敢動手夏氏聲言若不毆打卽投河自盡王太倉情急用拳毆其左右後肋各三下王氏在船艙亂滾辱罵撒潑夏氏愈加怨恨逼令復毆王太倉又拳毆其左後脇四下至夜殞命王氏本係淫佚無恥頂撞伊母罪人夏氏先以投河自盡之言威嚇後又逼令用力復毆雖王太倉拳傷已至十處原駭色止青紅甚屬輕淺揆其情非得已死出不虞是以駁令將王太倉一犯依追於尊長威嚇勉從下手邂逅至死例擬流夏氏並無不合應

毋庸議等因題結在案此案該犯黃忝松致死干犯胞叔之堂兄與王太倉致死犯姦玷辱頂撞其母之胞姊不同該犯僅被伊父喝毆亦與王太倉之被母喝逼並以自盡之言向嚇者不同該犯用鐵器金刃疊毆疊割傷多且重又與王太倉之拳毆適斃者不同且查原驗黃忝松兩肩甲兩臂胸脚腕脊背等處鐵器傷痕或係青紫或重疊紫色兩脚脉刀割傷筋斷骨脫卽不戕生亦成篤疾按卑幼聽從尊長毆功服尊長至篤疾卽應將該犯黃忝松於絞決上減等

聽從毆打邂逅
至死毋論致命

擬流況黃忝才因傷畢命科罪未便與毆止篤疾之
案並無區別且核與迫於威嚇勉從下手邂逅致死
之例不相符合應請交司行令仍遵原駁情節另行
改擬具題到日再行核覆

道光五年說帖

陝西司 查卑幼聽從下手毆死尊長之案必係疊
毆多傷者始將下手之犯擬斬監候若勉從下手並
非疊毆卽傷係致命處所亦應照例減等擬流檢查
乾隆五十五年陝西省王蘭英寶聽從伊叔王泳壽
毆傷大功服兄王教民偏左殞命又本年山東省張

文愷等聽從伊父張遼毆傷小功服兄張文燦胸膛連心坎殞命詳核此二案所毆俱係致命處所將該犯等照邂逅至死減等擬流經本部照擬核覆在案此案曹文彩因小功服兄曹遇春強姦年甫十二之小功堂妹曹欠欠被堂婦曹汪氏喝逼幫毆該犯勉從下手用棍向曹遇春左肩毆打因曹遇春撲向奪棍勢猛適傷其耳竅洵如

釣論耳毆係致命之處其所稱向打肩用因被撲勢猛失手致傷之處情近裝點惟查辨過王蘭英寶等成

聽從大功兄毆
死降服胞兄

案亦係致命處所俱照邂逅至死例減等擬流此案
究非疊毆多傷該省臧等擬流似可照覆

嘉慶五年
說帖

晉撫一題郝申華毆死大功兄郝會子一案此案郝
申華因自幼出繼與本生胞兄郝會子降服大功郝
生裕係郝會子郝申華大功服兄郝會子貧不務正
人極兇橫屢向郝生裕郝申華告助郝生裕等各幫
給錢米不記次數嗣郝會子復向郝生裕索錢郝生
裕無錢回覆郝會子不依囑罵經人勸散後郝生裕
祭掃回歸邀郝申華至家飲酒郝會子見未邀伊同

直督題商生才
歐死商棧查商
僕本係商生才
期親服叔惟商
生才之父而質
先已出繼與總
底服叔爲嗣樣
照例降爲無服
擬絞監候嘉慶
元年說帖

飲心懷忿恨走至門首襲罵郝生裕因屢被欺辱起
意毆打洩忿慮其力太兇橫當令郝中華幫毆郝申
華初猶未允郝生裕攬取木棒再三嚇逼無奈允從
郝生裕將木棒遞給郝中華同出門首郝會子跳罵
郝生裕上前揪其髮辮郝申華用棒毆傷其左胯左
賺朋倒地郝生裕乘勢揜按喝令郝申華先後毆傷
其右膝等處郝會子辱罵郝申華復毆傷其右腳踝
殞命查郝中華如果聽從大功服兄毆死期親胞兄
則疎者不可間親自應仍按本律擬斬立決惟該犯

從伊父主使
大功兄至死

業經出繼於郝會子已應降服大功該犯聽從大功

兄郝生裕主使將郝會子毆傷後該犯又與毆致斃

雖係胞兄自應照所後服制問擬該省將該犯依聽

從下手毆大功兄至死例擬斬監候郝生裕依毆殺

大功弟律擬流情罪相符應請照覆

嘉慶十九年說帖

直督 題陳煥魁主使伊子陳選青等毆死陳長青

一案查陳煥魁因期親服姪陳長青向爭租地攔割

禾稼互毆受傷喝令伊子陳選良並出繼之子陳選

青毆打陳選良用鐵通條毆傷陳長青左右臙膊左

臂膊左額角陳選青用鐵尺毆傷陳長青腦後胸膛
偏左右顙門左耳輪頰命驗明陳選良所毆各傷俱
不深重惟陳選青所毆傷多且重且係最後下手自
應以陳選青當其重罪已死陳長青係陳選良之大
功服兄陳選青之降服小功兄雖毆由尊長喝令惟
服制攸關與凡鬪之案聽從下手之犯應減主傳罪
一等若不同該省將陳選青依聽從下手毆小功兄
若尊長僅令毆打而輒行毆殺多傷至死例擬斬監
候陳煥魁喝令毆打依期親報毆殺姪律擬徒均屬

其毆辱長成等
首從俱係卑幼

相符應請照覆

嘉慶十六年說帖

河撫 題賈希曾等砍傷賈嵩秀致成篤疾一案欽

奉

上諭本日刑部題覆河南省賈希曾賈望曾砍傷堂叔賈
嵩秀致成篤疾將賈希曾依毆本宗小功尊屬至篤疾
者擬以絞決賈望曾照爲從減等律擬流一本此案賈
希曾因向堂叔賈嵩秀借貸不允挾嫌氣忿喚同胞弟
賈望曾先後用刀砍傷賈嵩秀致成篤疾賈希曾賈望
曾兄弟兩人同爲賈嵩秀堂姪雖用刀毆砍有先後之

刑但服制攸關未可照凡人鬪毆例分別輕重也且賈希曾刀砍兩傷賈嵩秀即行走避賈望曾復疊砍多傷更不得以下手先後分別首從刑部雖屬照例辦理實未允協著軍機大臣會同刑部悉心詳議應如何酌定酌擬之處另行具奏此案俟議定一併核覆欽此仰見我

皇上準情定讞飭紀敦倫之至意

臣

等伏查服制有期功

總麻之不同案情有謀故毆殺之各異其擬斷罪名卽因之分別等差故律內謀殺期親以上尊長無論

殺傷俱不分首從皆擬以斬決凌遲極刑毆故殺者亦皆不分首從至功服總麻尊長較期親有間謀殺至死者亦不分首從皆斬惟毆死毆傷始分首從然實較凡人首從罪名爲重律載毆本宗外姻總麻兄弟姊妹一百小功杖六十徒一年大功杖七十徒一年半尊屬又各加一等折傷以上各遞加凡鬪傷一等傷疾者絞謹按名例律載本條言皆者罪無首從不言皆者依首從法細釋律意卑幼毆功服總麻尊長致成傷疾將起意下手傷重之犯定擬絞罪者誠以

尊長未至於死故止坐下手傷重之首犯一人抵死
其餘從犯自不便加至死罪且遇一案數犯共毆尊
長既未戕害其命亦難概予縲首故酌減一等擬以
滿流而較之凡人毆傷至篤疾首犯擬流從犯止於
擬徒之律已屬從重是以向俱遵循辦理惟是案情
輕重不一如果係尊長起意謀毆勉從下手並無金
刃重傷者尙可以爲從減等擬流若首犯僅令幫毆
輒用金刃鑿砍或有折損重傷並有釁起一時並無
原謀而各毆至篤疾者自應詳立科條以示區別

臣

等恐心酌議應請嗣後卑幼毆本宗外姻總麻以上尊長致成篤疾之案除原謀首犯下手傷重一人擬絞聽從幫毆之犯僅止手足他物輕傷問擬滿流仍照律辦理外若聽從幫毆有折傷及刃傷者應於所犯流罪上加重發極邊烟瘴充軍如蒙

俞允刑部載入例冊通行現在河南省賈望曾聽從賈希曾砍傷小功服叔賈嵩秀致成篤疾一案據該撫審係賈希曾起意砍成廢疾檢閱原驗金刃傷共十二處並據聲明賈嵩秀左手兩足不能行動已成篤疾

餘俱平復查左手及兩足等傷俱係起意首犯賈希
會所砍賈聖曾實止刀砍一處但係刃傷情亦兇橫
應卽從重改擬極邊州瘴充軍另本具題等因乾隆
五十六年十二月初四日奉

旨依議欽此 通行已纂例

經從幫毆絕床
服兄成篤身死

江西撫 趙柱得桂等毆傷小功服兄杜得宗身死
依咎相等但係杜得桂主令毆打應將杜得桂依毆
死小功兄律擬斬立決杜八得毆斷杜得宗左臙朋
右臂杜得宗設未身死亦成篤疾杜八得應依毆絕

庶兄篤疾律擬絞監候具題查繹律文弟毆胞兄折
肢者絞註明依首從法則親族兄弟之應分首從更
不待言此案杜八得因親庶服兄杜得宗將伊母棺
壓葬公共祖妣墳上杜得桂邀同杜八得攜鋤赴山
起遷杜得宗持擔往阻杜得桂囑令杜八得將杜得
宗手脚毆斷杜八得聽從用鋤背毆傷杜得宗左臙
朋右臂杜得桂亦用鋤背毆傷杜得宗右臙朋左臂
杜得宗因傷身死詳核案情杜得宗之死係由杜得
桂與杜八得共毆致傷而杜八得之下手行毆實由

毆功尊成篤題
結後担報傷痊

杜得桂之主使是杜八得將杜得宗毆成篤疾實屬

為從自應按照服制以為從減等科斷將杜八得改

依毆總麻兄篤疾者絞律為從減一等杖一百流三

千里

乾隆四十六年題准案○照平反節要錄查乾隆五十六年定例毆傷尊長成篤之案聽

從幫毆之卑幼如有折傷者發極邊烟瘴充軍此案係毆傷致死應參看上頁河南李二與案

直隸司 查律載折跌人肢體及瞎人一目皆成廢

疾杖一百徒三年瞎人兩目折人兩肢損人二事以

上至篤疾者杖一百流三千里又卑幼毆外甥小功

尊屬折傷以上遞加凡鬪傷一等罪止杖一百流三

因患風濕兩腿
發太筋骨拘攣
已成篤疾收贖
後復醫痊免其
重科案載老小
廢疾收贖條東
省周囑

千里篤疾者較監候又辜限內雖平復而成廢疾篤
疾者依律全科各等語是篤疾之與廢疾在凡屬則
有徒流之別在服制則有生死之分必驗明被毆者
之篤疾已成而後毆人者之罪名始定誠以斷者不
可復續贅者不可復明篤疾之不能為廢猶廢疾之
不至成篤非如傷痕之猶可立限醫治冀就平復也
此案賈德旺於嘉慶元年四月十九日用刀砍傷小
功母舅趙良智右手腕筋斷骨歪並帶傷右肱肘左
臂膊因手心筋斷亦不能運動二事俱損已成篤疾

將賈德旺擬以絞候於二年三月二十一日具題今復據該督驗明趙良智右手腕不能運動右肘肘微動左手中指無名指不能曲伸左手腕已能運動大指食指亦已活動並可攜取什物篤疾已痊僅止成廢取結題請減流等因查賈德旺於嘉慶元年犯事二年題結又越三四兩年之久兩次入於秋審情實幸遇

停勾之年未經處決今該督忽稱破毆之趙良智篤疾已痊僅止成廢題請減流設非兩次

停勾則賈德旺早罹重辟其先入人死罪已決之咎將誰
當之如果篤疾而可醫治成廢則廢疾亦可醫治平
復若凡關廢疾之案事越三四年後而其人醫治平
復則徒役早經限滿又將何以減之不特歷來無此
例案揆諸情理亦殊多未協且據該督疏內現稱驗
明趙良智石手腕不能運動左手中指無名指不能
曲伸是左手仍未全愈是否僅成廢疾亦尙難懸定
是此案非今日捏報開脫卽從前定案草率案關秋
審兩次情實重犯臣部未便率覆應令該督另委賢

員再行驗訊即使趙良智果係僅止成廢已屬確鑿
賈德旺罪應擬流亦應查取從前錯擬絞罪之承審
各官職名並提訊刑件人等有無別情一併按律定
擬等因題駁去後茲據該督委員細驗其右手腕筋
斷骨歪不能運動右肘肘微動左手心筋斷中指無
名指筋骨皆損難以曲伸惟大指食指微有活動僅
可夾取細輕之物而指節未能彎曲左手腕稍動亦
僅能擡至胸前難以高舉誠如部駁是其左手仍未
全愈自應仍以篤疾擬絞等因應如所題賈德旺仍

合依卑幼毆外姻小功尊屬篤疾律擬絞監候仍入
於本年秋審情實辦理刑書李昌雲件作賈奉玉訊
無賄囑情事惟不細心辨驗明確輒據趙良智呈供
甘結率行詳報告實難辭若照失減死罪從流之例
業已減盡無科李昌雲賈奉玉應照不應重律杖入
十草役趙良智呈報不實訊因憐念伊妹同氣之情
希圖伊甥減罪起見並無受賄別情尙屬可原應與
聽從父命代寫呈詞之趙潮成扶同出結之鄰佑武
際盛均免置議率行詳報各官應移咨吏部議處

嘉慶五年題在案○照駁案新編錄

手長

砍落總麻尊屬
右手食指一節

山東司 查律載卑幼毆總麻兄姊杖一百尊屬加
一等折傷以上遞加凡鬪傷一等又集解云凡卑幼
於本宗總麻尊屬毆之者折傷以上總麻兄姊加凡
罪一等總麻尊屬又從總麻兄姊加罪上加一等共
加凡罪二等各等語是毆總麻尊屬及折傷以上統
止於本罪上加二等至同姓服盡親屬相毆卑幼犯
尊長之應行加等者蓋以尊長名分猶存故加凡鬪
一等若有服親屬相毆自應仍按服制科斷檢查本

年十一月江西省黃東沾砍傷總麻服叔黃式邦肱
肘依刃傷總麻尊屬擬以滿徒咨結在案今山東省
外結徒罪案內劉學信用刀砍落總麻叔祖母劉孫
氏右手食指二節該撫將劉學信依刃傷總麻尊屬
遞加凡鬪傷二等於刃傷人徒二年上加二等杖一
百徒三年核與集解及成案相符似可照覆

乾隆六十年說帖

毆傷總麻尊長
除限內身死

安撫 趙蔚天明咬傷總麻兄苗觀受手指餘限內
身死一案此案苗天明於七月二十五日咬傷苗觀
受手指並未傷骨至八月二十四日因傷潰爛身死
係在保辜正限二十日外餘限十日之內查保辜律
載手足毆傷人者限二十日平復又例載鬪毆傷人
保辜限內不平復延至限外十日之內果因本傷身
死情正事實者方擬死罪奏請

定奪又律載限外死者止科傷罪各等語此原統凡人親

屬而言嗣於乾隆二十三年

臣

部奏請將卑幼毆總

麻尊長於保辜限外身死例應止科傷罪者按其所
毆傷罪如在徒流以下於斬候本罪上減一等杖一
百流三千里等因奏准通行在案此專指卑幼毆死
總麻尊長死於限外者而言其在餘限內身死者原
奏未經議及與限外身死之犯同一減流未免輕重
無別臣等公同酌議卑幼毆傷總麻尊長餘限內果
因本傷身死仍擬死罪奏請

定奪如蒙減等比限外身死者酌加為邊遠充軍所有
天明一犯卽照新例辦理仍追埋葬銀兩給屬具領

刃傷期功尊長
並餘限外身死

等因題准 乾隆三十一年通行已纂例

直督 題米文新誤咬期親服叔米寬手指延至餘

限外因傷潰爛身死一案查平人鬪毆之案在保辜

正餘限外身死者無論手足他物金刃祇科傷罪至

有關服制之案惟卑幼毆總麻尊長餘限外身死則

准於斬候本罪上減等擬流原毆傷重至篤疾者擬

絞監候其毆小功以上尊長罪應斬決者雖死於餘

限之外仍照本律定擬臨時酌量情節夾簽聲請歷

久遵辦嗣於嘉慶七年九月內 臣 部核覆安徽巡撫

題孫登刃傷胞兄孫梅餘限外身死擬斬立決夾簽
聲請可否改照刃傷胞兄本律問擬絞決一案欽奉

上諭刑部題覆安徽省民人孫登扎傷胞兄孫梅餘限外
身死夾簽聲請一本現已依擬將該犯著即處絞矣向
來尋常刃傷各案如在保辜正餘限外身死者祇科傷
罪至有關服制之案雖與尋常刃傷案犯不同但限內
限外究當示以區別嗣後遇有卑幼刃傷期親尊長如
在保辜正餘限內身死者仍照舊辦理外若死在餘限
之外卽照刃傷本律問擬絞決其刃傷期親尊長尊屬

律應問擬絞決之犯如訊非有心干犯或係金刃誤傷及情有可憫者俱著問擬絞候均毋庸夾敘聲請著刑部纂入例冊遵行欽此在案恭釋

諭旨原因刃傷期功尊長已干絞決之條故死在餘限外卽按傷罪本律科以絞決又因無心干犯及傷由失誤者情稍可憫是以量予絞候實爲仁至義盡此案米文新於嘉慶八年十二月初九日向期親服叔米寬索欠被米寬揪辦按地掌毆腮脰該犯負痛張口喊叫求饒米寬復用掌向毆自將手指打入該犯口

內以致誤行咬傷至九年三月初六日因傷潰爛殞命該督將該犯擬斬立決聲明並非逞兇干犯係照舊例辦理惟該犯咬傷期親服叔越八十五日身死既死於手足傷正餘限三十日之外若仍擬斬決夾發聲請則刃傷期親死於限外者尙有絞決絞候之分而手足輕傷死於限外者轉一律擬以斬決又復夾發聲請不惟徒滋案牘且與嘉慶七年欽奉

諭旨酌改刃傷之例不符然使因傷非金刃竟按本律止科傷罪則唯篤疾者期功俱應絞決折肢瞎目者期

服始擬絞決其折傷及手足他物輕傷卽按律遞加
亦僅止流罪而止較之毆傷總麻尊長餘限外身死
減爲滿流之例又覺太輕臣等悉心酌核竊查小功
以上尊長尊屬服愈親則分愈尊卑幼輒敢用手足
他物毆傷以致限外身死固非金刃可比而死由於
傷若僅科本傷流徒之罪究非慎重倫常之道自應
照刃傷絞決律量減爲擬絞監候方足以示區別而
重倫紀應請嗣後卑幼毆傷期功尊長尊屬正餘限
內身死者照舊辦理外其在餘限外身死之案如刃

毆總麻尊長成
篤餘限內身死

傷期親尊長尊屬並以手足他物毆至折肢瞎目及
毆大功小功尊長尊屬至篤疾者仍依傷罪本律問
擬絞決訊非有心干犯或係誤傷及情有可憫者俱
擬絞監候若係折傷並手足他物毆傷本罪止應徒
流者既在正餘限之外因傷斃命均應擬絞監候秋
審時統歸於服制冊內擬入情實辦理所有米文新
一犯卽另行改擬等因題准
嘉慶九年通行已纂例
陝西司 查例載卑幼毆傷總麻尊長餘限內果因
本傷身死仍擬死罪奏請

定奪如蒙寬減減爲杖一百發邊遠充軍若在餘限外身
死按其所毆傷罪在徒流以下者於斬候本罪減一
等杖一百流三千里其原配一
重至篤疾者擬絞監
候等語詳查例意毆傷總麻尊長餘限內身死減軍
之例係指所毆傷罪在徒流以下者而言若原毆傷
重至篤疾雖限外身死例應擬絞則餘限內因傷身
死自不在減等充軍之列此案劉磨兒因與總麻兄
劉振江口角爭鬧劉振江取棍向毆劉磨兒奪棍毆
傷劉振江顛門倒地因其聲言報復該犯復用鐵拐

砧毆傷劉振江兩廉肋骨折延至正限外身死是劉
磨兒毆傷劉振江兩廉肋骨折已成篤疾卽不身死
亦應擬絞今於餘限內因傷斃命既據該撫援照毆
總麻尊長傷至篤疾限外身死例擬絞監候自應照
覆 乾隆五十八年說帖

同謀共毆總麻
尊屬限內身死

四川司 查律載卑幼毆本宗總麻尊屬死者斬監
候又例載卑幼毆總麻尊屬餘限內果因本傷身死
仍擬死罪奏請

定奪如蒙寬減減爲杖一百發邊遠充軍又有服親屬同

謀共毆致死之案原謀係總麻卑幼加凡人一等名等語此案傅萬章因向傅友瀧索討地價無償反被辱罵隨糾允傅寅章屈金科等幫毆傅萬章先用棒毆傷傅友瀧右肘屈金科亦刀戳其右臙肋最後傅寅章用棒毆傷其左臙肋骨斷越六十日殞命係在破骨傷保辜餘限之內按例應仍擬死罪奏請

定奪今該省將傅寅章依卑幼毆本宗總麻尊屬死者律擬以斬候並未隨本聲請已屬錯誤至傅友瀧被毆各傷雖左臙肋骨斷究未致成篤疾傅萬章一犯亦

毆總尊至正餘
限外抽風身死

應依原謀本例加凡人一等擬以附近充軍該省將
傳萬章依卑幼共毆總麻尊屬致成篤疾聽從幫毆
之卑幼例發極邊烟瘴充軍更屬未協應請交司照
例更正

嘉慶十八年說帖○此案照擬更正於十九
年題結見成案

安撫 題高善佳因被總麻服兄高善六毆打該犯
奪棍回毆致傷高善六腦後左耳根二傷均已平復
其偏左一傷業已結痂因洗面自將血痂抓落於他
物傷餘限外因風身死應比照卑幼毆傷總麻尊長
在餘限外身死按其所毆傷罪在徒流以下者於斬

咬傷胞叔正餘
限外因風身死

候本罪減一等杖一百流三千里例係因風身死再

量減一等擬以滿徒

嘉慶二十年案

東撫題胡光魁咬傷胞叔胡崇儒手指餘限外抽

風身死一案查卑幼毆期親尊長餘限外抽風身死

例無明文詳參各例毆凡人正限外餘限內因傷身

死例得聲請減流若在餘限外身死律應止科傷罪

分別擬以笞杖徒流而卑幼毆傷期親尊長正餘限

內身死例應仍照本律擬斬如在餘限外身死例應

問擬絞候又查毆傷凡人餘限內因風身死例應擬

徒而毆傷期親尊長除限內因風身死向俱仍照本
律擬斬是毆傷期親尊長正餘限外身死一項及餘
限內因風身死一項均不能比照凡人減等即使兩
項兼備例內亦無減等專條檢查辦過成案卽有仍
照餘限外因傷身死本例擬絞之件誠以案關服制
未便輕擬寬減此案胡光魁咬傷胞叔胡崇儒手指
至餘限外扯風身死白應仍依毆期親尊屬在餘限
外因傷斃命例擬絞監候該省以胡崇儒死係因風
將該犯胡光魁量減擬流似難照覆應請交司駁令

另擬 道光四年說帖○成案錄後

川督題劉光烈因小功堂叔劉子武向伊父劉子旺
索欠爭鬧馬棍向伊父嚇毆該犯盧父受虧順攜
木扁擔抵格致傷劉子武右額角越三十一日餘
限外因風殞命該省以限外因風與因傷身死固
有不同惟劉子武係劉光烈小功堂叔倫紀攸關
仍應依例問擬將劉光烈依卑幼毆小功尊屬餘
限外因傷斃命例擬絞監候

嘉慶二十一年題結

北撫題李有相毆傷胞叔李文班限外因風身死一

案李有相因胞叔李文班之子李有彩在場打毆
將該犯掃帚取用該犯向索爭鬧拾棍向毆李有
彩逃跳下坡該犯用棍擲打適李文班行走下坡
致被誤傷頂心越四十一日因風殞命將李有相
依毆傷期親尊長餘限外因傷斃命例擬絞監候
道光三年題結

毆傷大功兄餘
限內因風身死

河撫題馮松林毆傷大功兄馮景林餘限內因風
身死一案等查卑幼毆傷期功尊長正餘限內身
死照舊辦理之例係指因傷身死者而言至因風身

死之案在平人例得分別辜限內外擬以流徙其有
鬪服制之案例無明文卷查嘉慶十六年山東省題
張漢砍傷小功服兄張俞因風身死一案該省援例
聲請經本部夾發題覆在案此案馮松林毆傷大功
服兄馮景林越二十一日因風身死自可援照辦理
准其夾發今該司僅於稿尾聲叙尚未允協謹另擬
夾發錄呈

夾

查例載毆死本宗期功尊長罪干斬

決之案核其情節實可矜憫者夾發聲明恭候

欽定等語至因風身死者在平人例得聲請減流其有關

服制之案向亦援例夾簽聲請此案馮松林因被大功兄馮景林毆傷腮眼該犯拾柴毆傷其右臙朋復被馮景林揪衣撞頭拚命該犯情急用木柴毆傷其額門越二十一日因傷處之風殞命核其情節該犯被毆被揪情急他物回毆兩傷其情無可矜憫惟死係因風且已越二十一日既據該撫於疏內聲明相應照例夾簽奏候

欽定

嘉慶十八年說帖

毆小功叔越十六日抽風身死

東撫題候掄升擲傷小功服叔候殿華抽風身死

一案查毆死期功尊長罪干斬決之案核其情節實可矜憫 例得夾簽聲請此案候掄升因向小功服叔侯毆華索討欠錢侯毆華斥其不應催逼該犯分辯侯毆華不依用棍向該犯頭上亂毆該犯逃跑侯毆華追趕該犯慮其追及回身拾磚嚇擲適傷其左腮脹越十六日因風身死查該犯繫起索欠理直迨被持棍追趕該犯慮恐追及因而拾磚嚇擲僅止不致命一傷且死出抽風在凡人鬪毆之案毆非致命重傷越五日後因風身死例得減等擬流茲以服制

三
一
毆傷胞兄正限
內抽風身死

三
攸關仍應照本律問擬檢查嘉慶十四年山東省題
殷瑞來一案因胞兄殷奉來不允將長兄厝棺葬入
祖塋該犯令其另買葬地殷奉來斥其多管該犯分
辯被其用棍毆傷廉肋該犯負痛彎身揉搓傷處殷
奉來又舉棍向毆該犯情急接棍向前撩擲適傷其
顛門嗣殷奉來傷口發癢將枷擦落越十九日抽風
殞命該省聲明該犯被毆情急接棍撩擲適傷死係
抽風尙非逞兇干犯經本部照擬夾簽聲請題結雖
彼案係接棍撩擲較此案之被迫拾磚嚇擲者情節

撞傷功兄正明
外因風身死

毆傷小功兄正
明外因風身死

刑案匯覽

卷四十一

刑律屬毆

毆大功以下尊

似輕而越十餘日抽風身死則情事相同候擗升一

犯既據該省於疏內聲明似可照例夾簽嘉慶二十四年說帖

蘇撫題朱華年手執瓦盆壺出外沖茶順向大功

兄朱昌年索欠朱昌年噴斥不依揪住該犯衣領毆

打並用頭向撞致在該犯所執瓦壺底上撞傷額顙

連右額角越二十一日因風身死傷由自撞死係因

風且在正限之外夾簽聲明改為斬候嘉慶二十年

東撫題董魁清因小功服兄董興讓誤打伊地內

樹聚該犯經見攔阻董興讓用木桿向毆該犯順用

空菜小刀抵格劃傷董興讓左腮腴連唇吻董興讓
復用木桿毆打被該犯奪獲毆其左臙肋一下經勸
而散嗣因左臙肋傷處發癢自將傷痂抓破潰爛越
二十五日因風身死傷由奪桿還毆死係因風且在
二十日之外夾簽聲明改爲斬候

嘉慶二十年案

毆總麻尊屬越
十日因風身死

蘇撫 奏李和用石毆傷總麻服伯李魁壯越十九
日因風身死一案先據該撫以例無明文仍將李和
依毆死總麻尊屬律擬斬監候具題經 臣 部查毆傷
總麻尊屬因風身死雖例無明文惟查毆傷凡人餘

限內因傷身死例係聲請減流毆傷總麻尊屬餘限
內因傷身死例係聲請減軍參觀互證毆凡人致命
傷輕在十日以外因風身死既得聲請減流則卑幼
毆傷總麻尊屬致命傷輕在十日以外因風身死亦
應聲請減軍該撫將該犯問擬斬候並未比例聲請
當經題駁奉

旨部駁甚是依議欽此行文該撫在案茲據該撫奏明檢
舉將李和比例擬軍應如所奏李和應依卑幼毆本
宗總麻尊屬死者斬律擬斬監候該犯用石毆傷總

麻服伯李魁壯左手腕並頂心傷已結痂嗣李魁壯自行擦落傷痂以致傷口進風越十九日因風身死檢查原驗傷痕均止皮破紅腫並非骨損骨折在凡人例得聲請減流惟死係總麻尊屬應比照卑幼毆總麻尊屬餘限內身死之例奏請俯蒙

聖恩准其減等將李和減爲杖一百發邊遠充軍仍追埋葬銀二十兩給付屍親具領再查斷罪無正條律有援引他律比附之文誠以案情百變勢難一一另立專條自應酌量比附定擬今毆傷總麻尊長尊屬因

風身死之案雖例無專條惟毆傷總麻尊長尊屬餘
限內因傷身死者例內現有明文即可比照定讞似
毋庸另立專條所有該撫請

旨飭部明立科條之處應毋庸議奉

旨李和著准其減等杖一百發邊遠充軍餘依議欽此

道光四年通行

咬傷總叔因
水潰爛身死

江西撫題丁添樂咬傷總麻服叔丁煥先手指滲

水潰爛身死一案此案丁添樂因總麻服叔丁煥先

違禁放鴨恐傷田禾向理被冒欲投族理論丁煥先

卽令伊子丁花生丁農生將丁添樂兩手執住自取
肥田之糞塞入口內丁添樂情急咬傷丁煥先左手
中指丁煥先因天熱洗浴以致傷處腫脹潰爛越十
六日身死核其情節該犯因丁煥先令伊子執住兩
手糞塞入口因而咬傷手指勢出情急尙非逞兇干
犯且原驗丁煥先手指咬傷僅止皮破傷本不重若
非自行洗浴滲水潰爛原可不致戕生查卑幼毆傷
總麻尊長正限內因自行洗浴滲水潰爛致斃雖例
無治罪專條而較之餘限內因傷身死之案情罪尙

輕既據該撫比例聲請相應將丁添樂援照卑幼毆傷總麻尊長餘限內因傷身死例仍擬死罪奏請

定奪儻蒙

聖恩在其減等將該犯減爲杖一百發邊遠充軍仍追埋葬銀兩給領丁花生丁農生均合依穢物灌入人口內者杖一百爲從減一等律杖九十以卑犯尊加一等仍各杖一百乾隆五十八年九月初七日奉

旨丁添樂從寬免死減等杖責發邊遠充軍餘依議欽此
通行本內案

刃傷功尊限內
平復不准減等

上長

東撫 咨王五子刃傷小功服叔王其耀限內平復
減等擬徒一案查例載卑幼毆小功尊屬若係折傷
並手足他物毆傷本罪止應徒流者在餘限外因傷
斃命擬絞監候等語是毆死功服尊屬之案在餘限
外者不與平人止科傷罪不照凡人保辜定擬則毆
傷刃傷功服尊屬限內平復即未便照凡人減等科
斷檢查嘉慶十三年直隸省咨翟丑刃傷小功服叔
翟思孔一案聲明案關照制雖限內平復未便減等
將翟丑仍照刃傷小功尊屬遞加凡人三等擬杖一

光緒貳拾年
案載關防條束
省鄭庚寅

百流二千里終結在案此案王五子因向小功服叔
王其耀借貸不允爭毆用刀砍傷王其耀雖於辜限
內醫治平復自應仍照刃傷小功尊屬本律遞加凡
人三等擬杖一百流二千里該省以限內醫治平復
將該犯減二等擬徒是以服制案件而與凡人並論
係屬錯誤應卽更正

道光五年說帖

貴州司 查該省造報九年春季外結徒犯張登匠
毆傷堂兄張登伍辜限內平復一案查律載卑幼毆
本宗總麻小功大功兄折傷以上遞加凡鬪傷一等

又例載卑幼毆傷期功尊長正餘限內身死者照舊辦理其在餘限外身死之案若係折傷並手足他物毆傷本罪止應徒流者既在餘限之外因傷斃命均擬絞監候又律載保辜限內因傷死者以國殺論其在辜限外死者各從本毆傷法若折傷以上辜內醫治平復者減二等各等語是凡人鬪毆折傷以上辜限內平復准予減等正餘限外身死祇科傷罪至卑幼毆傷功服尊長例內明言正餘限內身死照舊辦理餘限外身死擬絞監候是與幼犯尊長辜限外身

毆傷大功弟抽
風身死照例減
徒斷發贍銀一
半道光五年直
隸劉成案

軍長毆傷卑幼
餘限內身死

死既不得與凡人並論則折傷以上限內平復亦不
得與凡人並減律例極爲詳明引斷不容牽混此案
張登匠刃傷大功服兄張登伍限內平復該撫將張
登匠依卑幼毆本宗大功兄折傷以上遞加凡關傷
一等律擬流限內平復減二等擬徒是將卑幼毆傷
尊長之案援照凡人關毆保辜減等之條係屬錯誤
應令該撫將張登匠照律擬流不准減等俟專案報
部再行核覆

道光九年說帖

江蘇司 查例載手足傷限外十日之內果因本傷

身死情正事實者方擬死罪奏請

定奪又卑幼毆傷總麻尊長餘限內果因本傷身死仍擬

死罪奏請

定奪如蒙寬減減爲杖一百發邊遠充軍各等語是保辜

限期係統凡人親屬而言故雖毆傷尊長餘限內身

死尙得聲請減等則尊長毆死卑幼較凡人鬪殺之

案爲輕自應一例奏請此案滕耀宗用拳毆傷小功

弟滕大年臍肚越二十一日身死係在保辜正限二

十日之外餘限十日之內該撫並未聲叙係屬遺漏

砍傷胞姪餘限
內身死於滿徒
上減一等嘉慶
十一年川省蘇
文伸崇

該司遵

諭業於稿內照例聲請減流核與例義相符應請照辦
乾隆五十九年說帖○嘉慶十四年查照滕耀宗
減流之案纂例

死尊長原謀
病故不准減等

共毆功兄身死
餘人仍科傷罪

四川司 查原謀監斃在獄准其抵命將下手應絞
之人減等擬流之例係專指平人同謀共毆而言至
威力主使之案例無減等明文今四川省題刁生香
聰從伊父刁貴先毆死大功堂兄一案既係照威力
主使定擬卽不在援減之列且案關期功服制尤未
便曲爲寬貸該督聲請應否減流之處應毋庸議
嘉慶十八年說帖○二十二年已纂例載毆及
故殺人條

陝督 題劉均才等共毆小功服兄劉均貴身死一
案查律載卑幼毆本宗小功兄姊杖六十徒一年死

共毆餘人有關
服制應分別尊
卑幼勿加減辦
理通行載同姓
親屬相毆條

者斬等語至卑幼共毆尊長致死之案惟期親尊長
律不分首從皆斬功總尊長均以下手傷重致死之
卑幼擬斬幫毆之卑幼仍按毆傷本律科罪此案劉
均才劉均燕共毆小功服兄劉均貴身死該省訊係
劉均才下手傷重將劉均才擬以斬決與律相符至
劉均燕聽從幫毆係屬餘人在常人罪止滿杖今死
係小功尊長應仍按本毆傷法擬徒該省將該犯於
劉均才斬罪上減一等擬流係屬錯誤該司改依卑
幼毆本宗小功兄律擬杖六十徒一年情罪允協應

請照覆 嘉慶十七年諭帖

共毆總麻尊屬
身死餘人擬徒

共毆總麻尊長
身死餘人擬杖

北撫 題鄧開潭毆死總麻服叔鄧汝祥案內幫毆
之鄧開淫亦係死者總麻服姪將鄧開淫依卑幼毆
總麻兄姊杖一百尊屬加一等杖六十徒一年

道光元年案

江西撫 題楊耀青與弟楊耀俊共毆總麻兄楊
耀席身死楊耀青下手傷重擬抵楊耀俊係共毆餘
人與毆總麻兄罪名相等應照毆傷總麻兄律杖一
百 道光元年案

刑案匯覽

吳國大司馬以下事

共毆小功卑幼
身死餘人減科

東撫題王曰臣毆死小功堂姪王九案內在場
毆之王幅安係王九小功堂兄查毆傷小功卑幼係
照凡人減二等王幅安應於共毆餘人杖一百上減
二等杖八十道光元年案

聽從尊長主使
下手毆死卑幼

江西撫題謝定濱主令謝名崗等毆傷總麻服姪
謝名峯身死一案該省將謝名崗依下手之人為從
論減主使一等擬流江西司以謝名峯係謝名崗總
麻服弟例內聽從下手毆死總麻尊長尙得依律擬
流則聽從下手毆死總麻卑幼自應仍按服制減等

將謝名崗改於流罪上按總麻服制減一等擬徒等
因查尊長聽從下手毆死總麻卑幼律例並無明文
亦無辦過成案覆查威力主使下手傷重致死之犯
毆雖由於聽從主使而究死於該犯之手故去死一
間止減等擬流所以懲濟惡也至尊長犯卑幼及卑
幼犯尊長凡有應按服制遞減者卽應按服制遞加
如以尊長聽從下手毆死總麻卑幼應照凡人減一
等擬徒則卑幼聽從下手毆死總尊卽應照凡人加
一等擬軍今例內聽從下手毆死總麻尊屬僅係減

主使一等擬流並未照凡人加等若將聽從下手毆死總麻卑幼之尊長竟依服制遞減核與聽從下手毆死總麻尊屬之例殊形格礙查威力主使本條例文內既無各按服制遞減明文自應祇就本律定擬所有謝名崗一犯應請照該省所擬杖流咨覆

道光三年說帖

尊長向斥被毆
毆死小功服弟

安撫 題詹桂遠扎傷小功服弟詹敬身死一案此案詹桂遠與詹敬同行至山坡窄路詹敬被石塊絆跌致將詹桂遠撞落山澗詹桂遠理斥詹敬不服恃

尊長毆死擾害
他人之總麻姪

強向毆詹桂遠懼兇奔回至晚醉後追思氣忿順帶
鑣刀往向詹敬斥罵詹敬回言詹桂遠用刀扎傷詹
敬右血盆骨下倒地越日殞命查該犯如果蓄意謀
命一經覲面即可棄其不備用刀向戳何必先向斥
罵其互罵之時又有詹朝朋在彼目睹既據該省審
非有心欲殺將該犯依本宗尊長毆小功卑幼至死
律擬絞監候查核情非相符應請照覆

嘉慶十七年
諭帖

陝督 題閭泳成踢傷總麻服姪閭普清身死一案

此案已死閭普清因族叔閭倉佃種蔡大用公田閭

普清向閭倉捏稱伊總麻服叔閭泳成令其赴彼相
幫閭倉聽從收留閭普清旋將閭倉毆罵擡逐霸種
田地二年未給租糧蔡大用等畏兇未敢向索嗣閭
泳成向閭倉詢悉情由心懷不平邀同蔡大用蔡雙
絢兒蔡貴並閭倉往向閭普清理論索租閭普清率
罵蔡姓蔡雙絢兒爭論閭普清用斧砍傷其偏右倒
地閭倉向其奪斧亦被閭普清拔刀扎傷頂心蔡大
用等逃避閭普清復用刀扎傷蔡貴顙門脖頸胎膊
等處閭泳成踢傷閭普清右脇倒地蔡大用又棍毆

揪扭總卑同跌
落水卑幼溺斃

其藤朋兩下逾時殞命查問普清霸種地畝復持刀
斧逞兇砍扎蔡雙綸昂等三人因屬情類棍徒惟問
泳成並非被害之人該犯踢傷其右脇致斃自應仍
照尊長毆卑幼至死本律科斷該省將問泳成依總
麻尊長毆卑幼至死律擬絞監候蔡大用依餘人律
擬杖查核情罪九協應請照覆

嘉慶十七年說帖

北撫題任友益揪跌總麻服姪任承楹落水身死
一案查任友益因與總麻服姪任承楹分種祖祠公
地任承楹因該犯種地過多致相爭鬪任承楹咬傷

該犯手指該犯具控票差傳訊任承楹不肯前往該
犯即將其揪扭同行路過塘邊一同失跌落水任承
楹被溺身死查該犯先與任承楹爭鬪在先迨具控
後因任承楹不肯前往聽審即將其揪扭同行以致
同跌落水將任承楹溺斃是任承楹之被溺由於失
跌而失跌由於該犯揪扭所致罪坐所出自應照鬪
殺問擬該省將該犯依毆死總麻卑幼律擬絞監候
自應照覆

道光六年說帖

四川司 查律載本宗尊長毆小功卑幼至死者絞

情死小功堂妹
悲係謀故駁審

註云監候不言故殺者亦止於絞等語此案張添受因年甫十二之小功堂妹張丙英在房內玩耍張添受令其出外看門張丙英不允張添受用手向拉致指用劃傷張丙英上脣吻張丙英哭喊張添受抓住其髮髻向柱上撻傷其右太陽右額角張丙英嫂罵張添受用手搭住其咽喉張丙英氣閉殞命張添受慮恐到官問罪起意假裝自縊將張丙英屍身用棕索套在繫於磨檐而逸旋被訪獲該督將張添受依毆小功卑幼至死律擬絞監候等因具題_臣等查張

毆死同堂卑幼
擬流者應斷產

丙英年幼無如該犯張添受以細故逞忿手搭要害
立斃其命所供冀其住聲不罵本難憑信至事後畏
罪假裝自縊一節查閱屍傷縊痕驗係微紅色與死
後屍傷例應白色者亦不相符顯係有心搭拉致死
且恐另有起釁別情雖律內毆死功服卑幼與故殺
卑幼同一絞候而案情既未確鑿秋審實緩攸關應
今該督另委賢員研訊確情按律妥擬

道光九年說帖

河撫題趙二妮毆傷大功堂弟趙二保身死一案

趙二妮應依毆殺同堂大功弟律杖一百流三千里

再查律內毆殺同堂大功弟妹小功堂姪及總麻姪
孫者杖一百流三千里又律註不言傷疾至死者罪
止此仍依律給付財產一半養贍等語各省以此條
律文未甚明晰遇有毆死同堂卑幼罪應擬流之案
或斷給財產或竟不斷給辦理殊未畫一查律載毆
大功以下卑幼至死者絞惟毆殺同堂弟妹小功堂
姪及總麻姪孫者雖服無異而於分爲最親律止擬
杖一百流三千里較之本律已減一等定罪若不議
給財產一半養贍不足以蔽辜自應一例斷給財產

應請嗣後遇有此等毆死同堂卑幼罪應擬流之案
與毆至篤疾罪不至絞者均照律斷給財產一半養
贍俟

命下之日行文河南巡撫將趙二妮財產斷給一半與趙

二保家屬收領等因乾隆六年三月十六日題十八

日奉

旨依議欽此

通行已纂例○按誦云罪不至絞者斷給財
產則卑幼毆尊長成篤應擬絞者不斷產耳

直督 咨外結徒犯譚三因挾小功堂兄譚維翰爭

毆之嫌輒將譚維翰子姪譚鳳儀等誘出毆打用言

刃傷總麻卑幼
三人酌加一等

小功堂弟欲向
趕毆搥空跌接

砍傷譚鳳儀等三人將譚三砍斃卑幼至折傷以此
想乘減凡人一等律於刃傷人杖八十徒二年上減
一等係刃傷三人酌加一等仍杖八十徒二年

道光二年案

安撫 題誦讀堂與小功堂弟聶金毆奪劍聶金毆
失跌搥傷身死一案查審理關殺案件必須兇犯與
死者實係互相爭鬪因被迫趕失跌或因揪以推拉
以致跌搥斃命實有爭鬪情形者方照律擬以絞候
若無爭鬪情形因欲毆人而自行失跌以致搥傷身

死則死由自取與人無尤卽不得擬以絞抵此案聶
諸堂將已築屋基一間賣與王世才抵欠王世才雇
人砌築土牆聶諸堂亦在彼幫工聶諸堂之小功堂
弟聶金甌因聶諸堂賣地並不邀伊作中心懷不平
往向理論聶諸堂分辯聶金甌不服取鋤欲將土牆
爬毀聶諸堂將鋤奪過丟棄地上聶金甌趕向撲毆
聶諸堂身挂右閃聶金甌撲空站立不穩失跌倒地
在鋤口上搥傷左耳竅越十日殞命該撫將聶諸堂
依鬪殺律擬以絞候等因具題臣等檢閱供招詳核

案情已死聶金甌係聶譜堂小功堂弟有尊長卑幼之分聶譜堂將屋基售賣抵欠係屬已業原可者行主張無須他人作中乃聶金甌因聶譜堂賣地不邀作中輒往尋覓已屬理曲犯尊聶譜堂因聶金甌持鋤欲毀土牆將鋤奪過丟棄地上如果聶譜堂意在爭鬪當其勢鋤過手自必乘勢向毆今聶譜堂於奪鋤後卽時丟棄迫聶金甌趕向撲毆聶譜堂僅止閃避並未動手是該犯聶譜堂始終並未與之抵禦聶金甌因撲空自行失跌在鋤上撞傷身死不特屍妻

聶吳氏供明屬實且有見證孔老四供證可憑是聶
金頤雖向聶譜堂圍毆而聶譜堂則全無爭鬪情形
聶金頤因欲毆人而自行撲空失跌斃命係屬死由
自取與人無尤就案酌擬聶譜堂將鋤奪棄止屬不
應今該撫輒謂聶譜堂已有爭鬪情形將聶譜堂問
擬絞候罪名出入懸殊應令該撫另行妥擬分別題
咨辦理

道光二年說帖

並未爭鬪功兄
趕毆自行跌斃

陝督 咨呂學義因追趕服弟呂學正自行絆跌身
死一案查呂學正因引灌已田適大功堂兄呂學義

獄起爭論致尊
長氣忿自盡及
尊長起毆跌斃
案俱載成通人
致死條

趨至囑令堵塞溝口讓其先流該犯央其稍遲灌足
再行堵閉呂學義斥罵撲毆該犯畏懼跑走呂學義
尾追以致自行被石絆跌倒地內損頤命該省以該
犯並無抗爭情形呂學義自行失跌致斃既出該犯
思慮之外尤非耳目所能及將該犯於過失殺期親
尊長滿徒律上減一等擬杖九十徒二年半不准收
贖等因查毆大功以下尊長律註云不言過失殺者

各准本條論贖之法等語詳律註各字之義係兼尊
長與卑幼而言本條論贖之法係指凡人過失殺收

卑幼過失殺傷
功服尊屬

贖本條而言考諸過失殺傷收贖圖內並無大功以
下卑幼過失殺傷尊長暨尊長過失殺傷卑幼作何
收贖明文以法同凡論故毋庸議及也查嘉慶十三
年江西省吳大毛過失殺小功服婦吳劉氏將吳大
毛依凡人過失殺收贖咨結在案核與此案事同一
例今該省將呂學正比照過失殺期親尊長量減擬
徒係屬錯謬應卽交司更正

道光七年說帖

江西撫 咨新城縣幼孩吳大毛烏鎗過失殺小功
服婦吳劉氏身死私埋匿報並過失傷小功堂伯吳

叔彩平復一案查吳大毛係吳劉氏之夫吳大錦小
功堂姪吳大錦買得舊鳥鎗一桿並買爆竹剝取火
藥裝就鳥鎗並將引線插入火門作爲門藥機上鉗
放火繩欲赴各處打雀因欲先赴門首園內挖菜將
鎗置放家內後至菜園見有鳥雀慮恐行走驚動適
吳大毛在門首頑耍吳大錦令其回家取鎗吳大毛
回至家內攜取鳥鎗點燃火繩平放肩上用手托住
鎗把鎗口向後肩負維時吳劉氏坐在後廳堂中紡
績吳叔彩亦在後廳向內背坐食飯吳大毛跑出前

人功以下尊長
毆殺卑功註云
不言過失殺者
各准本條論贖
之法但言殺傷
固勿論也如大
功以下卑功過
失殺傷尊長若
照加等之本罪
論贖則傷有別
而殺無分同一
無心過誤不應
重傷而輕殺也
乾隆十五年安
省請示通行

廳被門檻絆足踉蹌以致振動手指墮落火機湊燃
火門藥線鎗內藥砂發出中傷劉氏右太陽等處並
打傷吳叔彩脊背醫治平復劉氏傷重越日殞命吳
大錦以伊自令吳大毛取鎗所致懇求屍父劉希明
免報驗埋寢事經縣訪聞獲犯訊供前情實屬耳目
所不及思慮所不到與過失殺條內初無害人之意
而偶致殺人之律註相符惟吳大毛係吳劉氏小功
服姪查毆大功以下尊長律註內開不言過失殺者
各准本條論贖之法則過失殺小功尊屬自應按照

私藏鳥鎗新例
應加枷號

律註仍依凡人收贖吳大毛合依過失殺人者准鬪
殺罪依律收贖追銀十二兩四錢二分給屍屬收領
以資營葬其過夫傷小功堂伯吳叔彩平復應依過
失傷人者准鬪傷罪照湯火傷人杖一百依律追銀
一兩七錢七分四厘給吳叔彩具領爲醫藥之資吳
大錦訊非得賄私和其收買鳥鎗以及起意私埋匿
報按律均應杖八十二罪相等從一科斷吳大錦應
依地界內有死人不報官司而私行埋藏律杖八十
屍父劉希明姑免置議
嘉慶十三年說帖

誤殺功尊止准
夾發不准留養

浙江司 查闕毆門內例載卑幼誤傷尊長至死罪
干斬決審非逞兇干犯仍准叙明可原情節夾發請
旨又犯罪存留養親門內毆死期功尊長者皆按律定擬
概不准聲請留養若按其所犯情節實可矜憫者該
督撫於疏內聲明恭候

欽定各等語是卑幼誤傷尊長至死罪干斬決者例止准
其聲叙可原情節夾發請

旨候九卿核議時減為斬候至毆死大功以下尊長親老
丁單之案倫紀攸關例不准聲請留養如核其情節

與人鬪毆放鎗
誤殺小功服叔
喪改爲監候
自寬改緩再行
留養案載犯罪
存留養親條

實可矜憫者始准於疏內聲明應侍緣由恭候

欽定例本明晰此案趙秀雙因與小功服弟趙秀核口角
爭鬧拾磚嚇擲適小功服兄趙秀樸踵至誤傷趙秀
樸額角倒地越九日身死詳核案情傷雖由於誤中
情實無可矜原自應照鬪殺門內並非逞兇干犯之
例聲叙可原情節夾簽請

旨今該撫將趙秀雙援照情可矜憫例隨本聲請留養與
例不符且亦與平人誤殺之案無所分別應交司議
駁仍照例夾簽

嘉慶七年諭帖

情可矜憫親老
丁單一併夾簽

東撫題孫亮北死小功兄孫梓情可矜憫親老丁
單一案既據該省於疏內聲明自應照例夾簽其親
老丁單一併應於夾簽內聲明今該司未將情可矜憫
之處照例夾簽轉將親老丁單一節隨本聲明核與
例案不符謹加擬夾簽

嘉慶二十四年說帖

夾查例載毆死本宗期功尊長罪干斬決之案如係
情輕該督撫按律定擬止於案內叙明不得兩請法
司會同核覆亦照本條擬罪若核其所犯情節實可
矜憫者夾簽聲明恭候

欽定等語此案孫亮因小功兄孫梓邀伊陪審該犯因事
回覆孫梓氣忿旋往斥罵該犯分辯被其掌責並揪
住髮辮亂毆該犯掙脫逃走孫梓拾取鎗頭趕扎該
犯接奪過手鎗尖向外因孫梓回奪恐被奪去扎傷
情急用力拉奪失手往前一撻適傷其左肋殞命核
其情節傷由拉奪失手致斃並非有心干犯情實可
憫既據該撫於疏內聲明並親老丁單核與夾簽之
例相符相應照例夾簽聲明恭候

欽定

功尊偷放田水
回獄二傷道斃

卑幼毆死行竊
之小功尊屬問
擬斬決後改斬
候案載親屬相
盜條

福撫 題張承鶴毆傷小功兄張承照身死一案此
案張承鶴因小功兄張承照偷放伊家田水灌漑已
田該犯理論被罵並攜鐵鏟向毆該犯奪鏟過手復
被舉脚向踢該犯順用鐵鏟回毆其右腿張承照趕
攔揪住該犯髮辮用拳毆打該犯掙扎不脫一時情
急用鏟嚇戮適傷其右腿殞命查死者竊放田水在
凡人係屬罪人今係小功服兄不便加以罪人之名
祇可謂之理曲亦為尊者諱為親者諱之義該犯向
論被毆情急嚇戮適傷核其情節實可矜憫該省於

功尊理曲先毆
抵格一傷適斃

疏內聲明實屬情輕該司照例夾敘洵屬允協

嘉慶二十四年說帖

廣西撫 題黃老貓毆傷小功堂叔黃定理身死一

案此案黃老貓與小功堂叔黃定理田畝上下毆連

該犯因黃定理田禾成熟照向例宅勘放水灌漑已

田黃定理不依辱罵即用柴刀向砍該犯拾取柴枝

抵格致傷其左額角黃定理撲搦用刀扎傷該犯左

肋該犯畏懼跑走黃定理舉刀趕戮該犯情急順取

牆邊木杵回身向格適傷黃定理顙門殞命死者恃

功尊二傷適斃
死非命還毆

長元毆該犯被其刀扎致傷具懼跑走復被持刀趕
戮該犯情急抵格適傷致斃較之無故逞兇者情稍
有間檢查原題內已據該撫聲明該犯並非有心干
犯應卽照例夾斃

嘉慶二十五年說帖

河南司 查河南省題田潮安毆傷大功服姊郭田
氏一案該撫聲明田潮安情可矜憫聽候夾斃本部
以田潮安他物連毆胞姊二傷毋庸夾斃前經會核
在案現經本部覆查上年會題福建省張承鶴金刃
嚇戮小功兄張承照二傷身死一案又會題廣西省

題稿已會三法
後又加擬夾簽

黃老貓他物抵格小功堂叔黃定理二傷身死一案
均經照例夾簽題結核與此案他物二傷致斃降服
大功姊情事相同未便辦理兩歧且該犯被撲退避
栽跌致幼子搥傷身死是伊子已死非命該犯復被
撲毆奪柴還毆原情實可矜憫自應照例夾簽以符
定制請將原稿更正照例夾簽片送都察院大理寺
覆核

夾簽

查此案田潮安因出嫁降服大功胞姊郭

田氏屢向索欠無償嗣該犯懷抱年甫二歲幼子田
三印在院站立郭田氏復向逼索該犯央緩郭田氏

不允囑罵並用木柴撲毆該犯退避閃跌致將伊子
田三印栽地搥傷身死郭田氏仍向撲毆該犯悲忿
奔柴回毆致傷郭田氏左腮腴郭田氏撞頭拚命該
犯復向嚇毆適傷其右腮腴帶傷右耳駁延至次日
殞命核其情節釐起死者先毆該犯被撲退避致跌
致幼子搥傷身死該犯因子已死非命復被撲毆奪
柴還毆適傷致斃揆情實可矜憫既據該撫於疏內
聲明相應照例夾簽

嘉慶二十五年說帖

母死悲怨被毆
抵格刃斃功尊

晉撫 題劉恩刃傷大功服兄劉聚身死一案此案

劉恩因大功堂兄劉聚之父劉太繩強賣地畝吵鬧
索價甚急逼迫伊母劉張氏自縊身死伊幼弟亦因
失乳餓斃嗣該犯劉恩割草回歸見伊妹念母啼哭
爐火已熄尚未做飯傷心含淚持柴赴劉聚家借火
劉聚詢問該犯以劉聚家害得伊家如此還管哭甚
之言回答劉聚生氣揪住該犯髮辮按毆該犯情急
順拔割草鐮刀向上抵格致鈎割傷劉聚脊背脊骨
左後脇劉聚鬆放髮辮捻住該犯之刀爭奪該犯恐
被奪砍彼此扭奪劉聚狠力拉奪致傷左腮腋連左

祖墳被創毆死
功尊准其夾縫

耳輪耳垂殞命查該犯先行鈎割脊背脊左後脇
三傷係因被揪攔按毆情急抵格所致最後腮腴連
及耳輪耳垂係屬一傷且由劉聚狠力拉奪所致核
其情節該犯念母出言抱怨傷由被毆抵格拉奪尚
非有心逞兇王杜較之河南省田潮安因幼子跌斃
奪柴回毆胞姊斃命者尤可矜憫自應將該犯劉恩
援例夾敘道光五年說帖

川督 題況仕語戮傷小功服叔况照美並况仕翰
戮傷小功服弟况仕敏各身死一案查况仕翰况仕

誥係同祖弟兄因祖母李氏病故理葬曾祖墳旁況
照美因有礙風水令其起遷不允同子況仕敏將墳
刨空況仕誥況仕翰近前阻護況照美用刀向況仕
誥戳去況仕誥奪刀還戳致傷況照美身死況仕敏
亦與況仕翰爭鬧持刀向戳況仕翰奪刀戳傷況仕
敏致斃該督將況仕誥況仕翰各依服制定擬聲明
見祖墳被刨情切護阻援照乾隆九年廣東省林智
之因母棺被掘毆死總麻服兄照救母情切辦理之
案聽候部議職等詳核案情李氏係況照美期親伯

刑案匯覽

乾隆九年粵省
林智之一案部
議人之生死雖
異而人子愛親
之心則生死同
極人子痛父母
之已葬被掘更
甚於父母之生
存被毆應比照
赦親情切例辦
理具成案

故殺空毀祖墳
之小功叔

卷四十一 刑律 盜賊 盜

空長

母李氏病故葬於公共地內與祖墳相隔丈餘並無
干礙而况照美令其起遷已屬非理輒復偕子將墳
刨掘見棺按例罪應擬軍况仕詰等見而護阻將其
戳死實與救護情切無異既有辦過成案該司亦照
議將况仕詰等請夾發况仕翰隨本量減似可照辦
奉

批交司照議辦稿呈閱 嘉慶七年說帖

四川司 查胡應祿因伊小功堂叔胡成智屢欲將
伊曾祖母曾氏墳墓空毀變賣墳地均經該犯投知

胡成智之兄再三阻止嗣胡成智將墳前磚土空開
棺已露出該犯聞知前往勸阻胡成智不聽聲稱再
向阻止定行殺害該犯哀求暫緩數日俟其覓地起
遷以免屍棺暴露胡成智始允走回次日該犯攜帶
鋤刀赴場修整掩週胡成智催令拔地遷墳該犯答
以未經尋覓胡成智斥伊哄騙拾石撲毆該犯順用
鋤刀回砍傷其右腮跌地亂滾亂罵聲言定將會
氏墳地空毀出賣該犯因其殘忍蔑倫一時忿激頓
起殺機用刀亂砍致傷其脣吻連食氣嚥頰髮際

被毆嚇抵致斃
功尊應往夾發

等處殞命詳核案情死係空毀祖母墳塚罪干斬決
堂叔該犯因保護祖棺起見殺由忿激並非無故逞
兇干犯雖夾發例內並無故殺亦准夾發字樣惟此
案死者喪理味良得罪祖宗該犯因其殘忍喪倫忿
激殺死其情實可矜憫且卑幼致死小功尊屬毆殺
與故殺同屬斬決自可仿照夾發聲明
安撫 題王勳沅毆傷大功堂兄王勳方身死一案
查毆死期功尊長之案核其情節如係卑幼與尊長
互相爭鬪毆致傷是其有心干犯無可矜原卽按

道光二年說
帖

律擬以斬決若被尊長毆打情急圖脫嚇抵適傷致斃尚非有心逞兇干犯者卽照例夾發聲明恭候

欽定此案王湧沉因被大功堂兄王湧方寅夜登門尋釁將伊拉出混罵揪住衣領用拳連毆左額角該犯被毆情急順用頂門鐵鋤鈎嚇抵冀其鬆放不期適傷王湧方顙門殞命查該犯被毆嚇抵本無欲毆之心且僅止一傷情節尙可矜憫核與向來夾簽之案相同旣經該省於疏內聲明該司照例夾簽似可照辦

道光元年說帖

被毆掙奪跌斃
功尊應往夾箴

二五長

江西撫 題夏必琇致傷小功服叔夏之綱跌搥身
死一案又題程楚波致傷小功服兄程榮斌跌斃身
死一案查夏必琇係夏之綱小功服姪夏之綱酒醉
心疑該犯將會簿內頁起鳳名字扯去冀圖占會向
其村斥該犯答以不應平空猜疑致相爭鬧夏之綱
脫下足穿板鞋毆傷該犯右手背該犯分辯夏之綱
復用板鞋撲毆該犯順用手攜煙袋搪抵致煙袋嘴
劃傷夏之綱左眼角連眼睛夏之綱丟棄板鞋接住
煙袋用力拉奪夏必琇鬆手夏之綱奪回勢猛酒醉

腳軟站立不穩仰跌倒地磕傷腦後越日殞命又程
楚波因被小功服兄程榮斌斥責欠錢不還用言分
辯程榮斌不依詈罵右手捏正該犯胸衣左手執持
煙袋欲毆該犯掙扎不脫情急順用右拳搪抵適傷
程榮斌肚腹乘機用力掙脫程榮斌站立不穩往左
側跌倒地以致手內煙袋銅嘴自行戳傷左眼角至
夜殞命查該犯等均因被毆搪抵適傷並非有意還
毆不得謂之逞兇干犯且死者或因力奔勢猛或因
站立不穩跌傷斃命核其情節俱可矜憫既據該撫

於疏內聲明似可照例夾簽聲請

嘉慶十七年說帖

據抵致難理曲
功尊應准夾簽

責撫 題王文祥毆傷小功服叔王洪開身死一案

此案王文祥因與小功服叔王洪開地土相連均各

種有杉樹嗣王文祥在伊地內砍伐樹木王洪開瞥

見聲稱有關風水外伊不應混砍王文祥不依被王

洪開辱罵並用棍毆傷肩甲該犯奪住木棍王洪開

放手回伊撻頭該犯用棍撻抵致傷其偏左頤命查

王文祥砍伐已地樹木王洪開輒以有關風水之言

混行阻砍起釁係死者理曲該犯被毆被撻奪棍撻

祖依抵格致
功尊不准夾發

抵一傷究與逞兇干犯有間既據該省詰非有心致

死將王文祥依律擬斬立決援例夾簽查核情罪尙

屬允協應請照覆

嘉慶十八年說帖

安撫 題溫柄毆傷小功服兄溫仁身死一案查向

來辦理毆死有服尊長罪干斬決夾簽之案或因尊

長衰倫或係救親情切以及與人鬪毆誤傷尊長致

斃俱得照例聲請至於格傷之案應否夾簽總視卑

幼之有無干犯是否逞兇爲斷如果始終並無干犯

抵格出於無心則情近失誤尙可援例聲請若卑幼

已有干犯在先而又彼此格鬪既無可原之情似難遽行夾簽今溫柄因向溫仁索欠被毆經伊母吆喝溫柄走出囑罵溫仁持刀趕砍溫柄情急順拾埽塊轉身抵格適傷溫仁偏左倒地越日殞命查溫柄索欠被毆固屬理直惟喝開之後輒行囑罵已有干犯情形迨溫仁持刀趕出向砍溫柄本係早經走出何難跑避乃復拾柴並轉身抵格實屬逞兇且見證及該犯供內俱稱轉身格打與失手抵格適斃者不同似難遽行援例夾簽只可照覆

嘉慶七年說帖

抵格傷多情近
互關似難夾發

快撫題扇元太毆傷小功服叔高金澁身死一案
查毆死期功尊長罪干斬決之案如實被尊長持械
趕毆情急冀圖脫身走避因而抵格不期適傷尊長
致斃者尙非有心逞兇干犯應照例夾發聲請若與
尊長互相爭鬪毆格多傷則是有意逞兇情無可原
卽應照律擬斬不得復援夾發之例聲請儻專就抵
格字樣而論以傷由抵格者爲無心干犯非抵格者
爲有心干犯是但論其傷之是否抵格而不究其是
否逞兇互關及傷之多寡似與定例本意大相刺謬

今此案高元太因小功服杖高金滢向伊訛索銀兩未遂用刀種傷圖賴該犯高元太走出理論被高金滢拾取木棍撲毆肩甲該犯負痛奔棍指甲抓傷高金滢右手背棍頭戳傷其右膀高金滢舉腳向踢該犯用棍格傷其左腳面跑避被高金滢趕上揪住髮辮該犯轉身用棍嚇毆致傷其右腿後棍梢致傷其右肱高金滢揪住伊衣頭舉拳亂毆並撞頭拚命該犯掙不脫身又用棍格毆致傷其脊背高金滢抓住該犯腎囊該犯負痛情急又用棍嚇毆適傷其偏

右跌地搥傷兩膝等處逾時殞命核其情節該犯先
後用木棍毆傷金滢右胯左腳面右腿後右胸腹
脊背及偏右等處六傷金滢雖向該犯揪毆而棍
已被該犯奪獲卽係徒手該犯並無抵格急情與因
被尊長持械趕毆情急不期適傷致斃者不同似此
互鬪傷多之案未便援例夾簽該省不論其是否逞
兇互鬪輒以格毆嚇毆及並非有心干犯等語含糊
聲稱聽候夾簽罪關立決監候應請交司駁令另行
聲明具題 道光五年說帖

抵格加於砍殺
之上難以夾斂

廣西司 查律載卑幼毆本宗大功兄死者斬又例
毆毆死期功尊長罪干斬決之案如卑幼實係被毆
情急抵格無心適傷致斃者夾簽聲明恭候

欽定各等語是毆死期功尊長罪干斬決之案必係被尊
長毆打不及趨避情急抵格適傷意止格抵傷出無
心方得援例夾簽聲請若被尊長毆打還手毆斃致
斃則係有心干犯不在夾簽之例此案黃總章因大
功服兄黃裕章與伊堂弟黃錦章黃鑑章爭毆被黃
錦章用刀砍傷右太陽等處黃鑑章用挑頭被傷右

勝跑去黃裕章隨後追趕黃總章瞥見攔勸黃裕章
斥護持挑撲毆黃總章拔刀格砍致傷黃裕章顙門
黃裕章復舉挑向毆黃總章情急用刀抵戳適傷黃
裕章左脇倒地殞命該省將黃總章依律擬斬立決
援例夾發等因查黃總章於黃裕章身被多傷之後
復用刀砍傷其顙門骨損戳傷其左脇透內核其情
節難保非有心干犯乃該省以抵格二字加於砍戳
之上強符例意以並非有心干犯聲請殊屬含混案
關服制出入甚重應請交司駁令該省另行提犯嚴

因救護兄毆死
功兄情無可原

審必實係無心抵格方能援例聲請如竟係有意砍

戮卽行照律定擬

道光七年說帖

四川司 查例載毆死本宗期功尊長罪干斬決之
案法司會同核覆若所犯情節實可矜憫者夾簽聲
明恭候

欽定等語該法司等衙門向來遇有救親情切或尊長饒
倫及情輕誤殺等項情可矜憫罪干立決之案均照
例夾簽聲明有奉

旨改爲斬監候者亦有奉

旨九卿議奏經九卿議改斬監候者又律註內載祖父母
父母被有服親屬毆打止宜救解不得還毆若有還
毆者仍依服制科罪等語詳繹律意是因救親而毆
尊長尙爲律所不原若護一兄而毆一兄更爲法所
難宥故向來遇有護兄起釁毆死尊長者不在夾籤
之條仍各依本律定擬此案張恩泰因有大功堂兄
張恩科與人爭鬪經伊胞兄張恩敖勸散張恩科心
疑張恩敖幫護外人出言混罵張恩敖回言並拳毆
其胸膛等處張恩科與之扭跌倒地騎壓張恩敖身

上用拳亂毆張恩敖情急喊救適該犯張恩泰經見
趨救順拾柴塊毆傷張恩科腦後倒地至夜殞命核
其情節該犯見胞兄被張恩科騎毆喊救順拾柴塊
毆傷適斃雖因救兄情切所致究非救親可比且該
犯與胞兄先後共毆大功服兄成傷伊胞兄雖被拳
毆並未受傷該犯何難善爲救解乃輒逞兇干犯亦
不得謂之情可矜憫未便量爲寬減張恩泰應請仍
照刑部等衙門原擬依卑幼毆大功兄死者斬決律

擬斬立決

嘉慶十六年說帖

是年七月十六日奉

旨九卿議覆四川省氏人張恩泰毆斃大功堂兄張恩科
仍照刑部原議問擬斬決一本所擬甚是向來刑部遇
有教親情切毆傷尊長之案夾簽請旨係專指救護父
母祖父母而言並無救兄之條若救兄亦得聲請則將
來救弟救姊救妹俱因此推廣援引復何所限制律設
大法自當遵照定憲況此案張恩泰見伊兄張恩教被
張恩科騎壓身上喊救時旣欲救護卽應將張恩科拉
散乃遽拾柴塊毆傷張恩科腦後斃命核其情節亦不
能量予寬減張恩泰著卽處斬餘俱照所擬完結至此

本於閏三月二十一日由內閣繕寫雙簽進呈維時在
閣票擬者係祿康明亮劉權之三人適屆回鑾之候接
駕諸臣沿途召見機務殷繁此本進呈時朕卽照向來
票擬刑部雙簽之例用九卿議奏一簽發下未曾細核
情節實朕一時疎忽茲詳閱案內本不應票擬雙簽係
屬內閣錯誤祿康明亮現已另案降調無庸再行交部
議處伊二人既邀寬免劉權之亦不必交議嗣後內閣
遇有票擬雙簽之本務須加意詳核以昭慎重如再有
似此舛誤者卽當予以處分欽此

照通行本內恭錄

救母毆死功兄
並無急情可原

江西司查律載卑幼毆本宗大功兄死者斬又例
載毆死期功尊長罪干斬決之案若係情輕該督撫
按律定擬止於案內將並非有心干犯各情節分晰
叙明法司會同核覆亦照本條擬罪核其所犯情節
實可矜憫者夾敘聲請恭候

欽定若與尊長互關係有心干犯毆打致斃者亦於案內
將有心干犯之處詳細叙明卽按律擬以斬決各等
語此案鄭能孫因與大功服兄鄭于塏涉訟鄭于塏
挾伊控告之嫌攜帶禾鎗前往尋毆適鄭能孫外出

鄭能孫之母童氏向勸鄭于塏卽用鎗柄毆傷童氏
倒地童氏喊救鄭能孫回歸看見趕救用扁擔毆傷
鄭于塏左臙肋鄭于塏用鎗柄毆傷鄭能孫右肱肘
等處鄭能孫用扁擔架格帶傷鄭于塏右肩甲上唇
吻右手腕鄭于塏將擔格落用鎗向戳鄭能孫奪鎗
劃傷其右臙肋因其腳踢鄭能孫復用鎗嚇抵適傷
其左臙肋倒地殞命該撫將鄭能孫依毆死大功兄
律擬斬立決並聲明並非無故有心于犯等因具題
臣等查毆死期功尊長罪干斬決之案必實係救親

情切及抵格無心適傷致斃者方准叙明可原情節
聽候夾簽若情節稍有未符卽不在聲請之列今鄭
能孫因大功兄鄭于壇將伊母毆傷倒地見而趕救
固屬驟起護親惟鄭于壇受傷之後並未復向伊母
毆打與犯親被毆事在危急者不同且死者之第已
被奪獲該犯並無抵格急情可原何以肆行毆割多
傷重至骨損顯係逞兇互鬪所供並非有心干犯之
處殊難憑信乃該撫將該犯依律擬斬仍以並非無
故有心干犯等語於疏內聲明殊屬含混罪關出入

臣部未便率應令該撫另行研訊確情按律妥擬具題
道光十二年說帖

救父毆死功尊
係互圖不准減

四川司 查此案官谷凝因伊父官文柏將田抵借該犯小功堂兄官谷植之父官文貢錢文約期不償官文貢欲割官文柏小麥作利邀允徐師超同伊子官谷植各攜刀棍前往地內正欲割麥官文柏喚同伊子官谷凝攜帶鋤柄前往阻止官谷植即用刀將官文柏戳傷官谷凝趕救用鋤柄毆傷官谷植左額角因被用刀砍傷額門復用鋤柄抵毆其偏右額門

右額角並將其刀柄打斷官谷極用刀柄格毆該犯
臂膊又轉身復將官文柏毆傷該犯悉父受傷拾刀
戳傷官谷極脊脊倒地官文貢用刀戳傷官文柏該
犯又先後用刀將官文貢徐師超毆成傷官谷極
越日殞命查官谷疑先因小功堂兄官谷極將伊父
官文柏戳傷該犯用鋤柄毆傷其額角嗣該犯被官
谷極用刀砍傷即用鋤柄抵毆其偏右額門右額角
已屬有心干犯該犯即因伊父復被官谷極毆傷臂
膊欲行救護其時該犯手持鋤柄儘可抵格何至復

用拾刀狠戮其致命脊脊斃命又用刀將其父官文貢並徐師超毆戮成傷核其情節案關互毆無可矜憫與應行夾簽之例不符官咨疑一犯應依律擬斬立決毋庸夾簽聲請

嘉慶十九年諭帖

戮戮功專情傷互毆不准夾簽

四川司 查該督疏稱艾榮芳因小功堂兄艾廷芳持刀趕戮將刀奪過艾榮芳復用柴塊向毆該犯情急用刀抵格通傷艾廷芳斃命與無故逞兇干犯者有間相應照例聲明等語查艾榮芳因向小功堂兄艾廷芳欲戕地價不允被其拔刀向砍該犯奪刀致

徵死功尊致命
該重不准夾發

劃傷其左肋肚腹右耳將刀奪獲艾廷芳拾起柴塊
趕毆該犯用刀抵格戳傷其左腮脰穿透殞命核其
情節案係互鬪並無急情劃戳多傷重至穿透其情
無可矜原與夾發之例不符所有該督聲請之處應
毋庸議

嘉慶十九年說帖

四川司 查毆死期功尊長之案悉視其所犯情節
實可矜憫者始准夾發此案徐春先係已死徐文智
小功堂姪徐文智起意與該犯賭博該犯贏得錢文
徐文智復令再賭該犯不允徐文智扭住該犯髮辮

檢打該犯用手攔護因手內攜有修削煙桿尖刀誤
戳徐文智心坎徐文智扭住刀柄用力拉奪致刀尖
割傷左手無名指該犯被拉脫手不期刀尖向外致
傷徐文智臍肚殞命查該犯被死者扭辦掙按毆打
該犯卽用手攔護已有爭鬪情形至死者心坎臍肚
二傷俱深至透內是致命傷重不得仍以無心干犯
再爲矜原似應照該省所擬將該犯擬斬立決其聲
明並非有心干犯一節應行駁去毋庸夾簽聲請

嘉慶二十二年說帖

嚇毆功尊誤殺
功尊不准夾箠

直隸司、查誤傷尊長至死必須審無干犯情節方可夾箠聲請此案劉起標因與小功服叔劉沛爭鬧經伊出繼胞叔降服大功之劉熙喝令劉沛等將伊捆縛該犯逃跑劉熙與劉沛追趕該犯聽聞有人尾追疑係劉沛率人追趕慮被追及欲將劉沛嚇退用木棒回身毆打適傷劉熙殞命該省聲明該犯逞兇干犯小功尊屬誤傷降服大功胞叔致死法難寬減將該犯依律擬以斬決具題查誤傷尊屬致死之案如係與他人爭鬧誤傷尊屬致死係屬犯時不知倘

抵職功尊斃命
應分有心無心

可謂非逞兇干犯此案該犯既疑係小功服叔劉沛
尾追輒行回身嚇毆卽當時劉沛被毆身死亦應將
該犯擬以斬決今因嚇毆劉沛致誤傷降服大功胞
叔劉熙身死實屬逞兇干犯與夾簽之例未符似應
照覆斬決毋庸夾簽

道光元年說帖

福撫 題吳洗茂致傷小功服兄吳洗英身死一案
查律載卑幼毆本宗小功兄死者斬又例載毆死本
宗期功尊長罪干斬決之案若核其所犯情節實可
矜憫者夾鼓聲明恭候

欽定各等語臣部向來辦理毆死期功尊長之案如卑幼

與尊長互相爭鬪毆致傷並無可原情節者卽按律擬以斬決若被尊長持仗向毆情急塘抵適傷致斃尙非無故逞兇干犯者卽照例夾籤聲明此案據該撫疏稱吳泚茂因向小功服兄吳泚英買米未給斥其無情吳泚英回罵並攜柴刀向砍該犯情急順用鐵鑿抵戳適傷吳泚英右乳殞命將該犯吳泚茂依律擬以斬決等因具題臣等查吳泚茂如果因被小功服兄吳泚英持刀向砍該犯一時情急用鑿塘

抵適傷致斃是其傷非有心且僅止一傷情節尚可
矜憫核與向來夾簽聲請之案相同應即照例夾簽
聲明恭候

欽定改擬斬候若係有心向戮致斃其情即無可原自應
按律擬以斬決今原題內稱該犯順取鐵鑿抵戳其
或無心搪抵或有向戮未據分晰叙明臣部礙難
核辦應令該撫再行提犯研鞫該犯或因被砍情急
用鑿搪抵以致適傷斃命或係有心向戮致斃訊取
確供分別聲叙明晰具題到日再行核議

道光元年
說神

毆死期功尊長
應分有心無心

湖廣司查例載毆死本宗期功尊長罪于斬決之
案如係情輕該督撫按律例定擬止於案內叙明法
司會同核覆亦照太條擬罪若核其所犯情節實可
矜憫者夾敘聲明恭候

欽定等語

臣

部回來辦理毆死期功尊長之案如卑幼與

尊長互相爭鬪卑幼有心毆打致傷並無可矜情節

者卽按律擬以斬決若被尊長毆打情急抵格適傷

致斃尙非有心逞兇干犯者卽照例夾敘聲明恭候

欽定是毆死期功尊長之案應否夾敘聲明總以有心無

心爲斷惟是例內止言情輕及核其情節實可矜憫並未載明是否有心干犯以致各省辦理紛歧致多駁查_臣等公同酌議應請嗣後凡毆死期功尊長之案應否夾簽總以是否有心干犯爲斷如卑幼實係被毆情急抵格無心適傷者承審各官務須研審明確詳叙供招該督撫於案內聲明係抵格無心致傷並非有心干犯字樣_臣部卽行核擬夾簽聲請若與尊長互相爭鬪卑幼係有心毆打以致斃命者亦於供招內將爭鬪情形並有心干犯之處詳細聲明_臣

跡抵致幾功尊
分別有心無心

部卽仍按律擬以斬決總不得僅以抵格抵戮一字
之歧含混聲叙致啟高下之弊庶免歧誤如蒙

俞允所有臣部現在未經題覆各件卽照此分別核辦等

因奏准道光二年通行已纂例

安徽司 查此案汪敬承因小功堂兄汪太芳賄欠

煙錢未償嗣該犯欲將所賣公共樹錢扣還汪太芳

不依混罵並掌批其脰復取棍向毆該犯接棍奪落

汪太芳復揪住該犯髮辮俯身拾棍該犯掙不脫身

恐被拾棍毆打一時情急用拳嚇毆適傷汪太芳右

腰眼殞命將汪敬承擬斬立決具題查汪敬承如果被小功兄汪太芳毆打後復被拾棍欲毆該犯情急用拳嚇抵無心適傷致斃其情尙可矜憫卽應照例夾發聲明恭候

欽定改爲斬候若係有心向毆致斃其情卽無可原應擬斬決今原題僅稱該犯掙不脫身恐被拾棍毆打情急用拳抵毆並未分晰有心無心礙難核辦應令該撫研訊該犯或係因被毆情急嚇抵無心適傷或係有心向毆分新聲叙具題到日再議
道光二年說帖

毆死功尊長
不得遽請夾筭

雲撫 題李迎燦毆傷胞兄李迎彩身死一案緣李
迎燦與胞兄李迎彩分居無嫌其母李董氏有養贍
田一分係李迎燦與伊兄李迎彩李迎暉三人輪流
值年耕種道光七年十二月間李迎彩因負欠緊迫
私將李董氏贍田典錢還債李董氏隨後查知曾經
訓斥八年二月十三日李迎燦自外回歸聞知李迎
彩私典情由向其埋怨李迎彩回斥多管李迎燦分
辯李迎彩起同撲毆李迎燦用拳拑抵致傷其胸膛
李迎燦往外逃跑李迎彩追至村外揪住李迎燦髮

辦用拳在李迎燦胸前亂毆李迎燦掙不脫身舉拳抵格復傷其胸膛並手指抓傷其左腋肋李迎彩仍不鬆手舉腳亂踢李迎燦用腳回抵踢傷其左右腿李迎彩將李迎燦仰桂倒地彎身毆打李迎燦用拳向抵又傷其左肋李迎彩用手緊搭李迎燦咽喉李迎燦氣閉情急希其鬆放兩腳向上亂蹬適傷李迎彩左右胎膊肚腹滾跌下溝被石擦傷左太陽墜傷脊脊左並左臂膊左右肱肘左後肋至十八日殞命將李迎燦擬斬立決聲明並非有心干犯等因查律

載弟毆胞兄死者斬又例載毆死本宗期功尊長罪
干斬決之案若係情輕如卑幼實係被毆情急抵格
無心過傷該督撫按律定擬止於案內將並非有心
干犯情節叙明法司會同核覆亦照本條擬罪核其
所犯情節實可矜憫者夾簽聲明恭候

欽定若與尊長互鬪係有心干犯毆打至斃者亦於案內
將有心干犯之處詳細叙明卽按律擬以斬決各等
語誠以服制首重期功定律最嚴干犯所以卑幼毆
傷期功尊長至死之案卽實係被毆情急抵格無心

適傷亦必按律定擬經法司會核情節實可矜憫方得夾簽聲請恭候

欽定原屬法外之仁若與尊長覲面互毆顯係有心于犯自不得濫邀寬典此案李迎燦與伊兄李迎彩口角爭辯當伊兄撲毆之時儘可脫身逃避乃卽奮拳毆打後雖被揪被搭惟該犯未受寸傷輒敢疊肆毆踢統計傷至九處之多干犯情形已屬顯然案係互鬪與實在被恨抵格無心適傷者不同未便援例夾簽聲請轉致蔑論兇狠之徒倖逃顯戮應卽按律定擬

李近燁合依弟毆胞兄死者斬律擬斬立決所有該
撫聲明並非有心干犯之處應毋庸議再查近來各
省辦理毆死期功尊長罪干斬決之案如救親情切
或毆死罪犯應死之尊長尙皆照律辦理其與尊長
互相爭鬪往往有傷多且重干犯顯然者輒據毆犯
避就供詞將搪抵架格等字樣叙入聲請冀可代爲
夾敘雖經臣部節次題駁仍恐各省似此具題者尙
多亟宜聲明定例以期畫一應請嗣後卑幼毆傷期
功尊長至死罪干斬決之案除係救親情切及毆死

毆死尊長率請
夾簽應行議處

罪犯應死之尊長仍俱照例夾簽聲請外如尋常與
尊長相毆致死之案必實係被毆情急抵格適傷情
可矜憫者方准聲明並非有心干犯字樣若傷多且
重雖被尊長疊毆抵格致斃卽係互鬪按律擬以斬
決等因奏准

道光九年通行

江南道御史 奏查刑部律載卑幼毆期功尊長死
者不分首從皆斬又例載卑幼誤傷尊長至死罪干
斬決審非逞兇干犯叙明可原情節夾簽請

有各等語詳悉各條蓋謂以卑犯尊情節素重是以不分

首從悉予重辟其有安非有以干犯者雖繩以難宥之法而不忍沒其可憫之情故聲叙夾籤以冀邀

恩量減法至嚴而仁至盡也乃近來各省遇有卑幼毆死

尊長之案不思律載本意輒惑於救生不救死之說

多方遷就故爲開脫非以爲情急抵格卽以爲撲搥

勢猛非以爲救親情切卽以爲自行撞傷小異大同

幾成故套甚至三傷以上者仍聲叙並非有心干犯

曲援夾籤之條奴才竊以爲干犯之是否有心事屬

微茫不容懸爲揣測而傷痕之多寡卽可以定案情

之輕重其他物手足毆止一傷猶可以抵格撲搥收
手不及爲解若金刃致傷或疊毆多處其爲有心于
犯情罪顯然例文以誤傷致死聲叙夾簣誤字指示
甚明一傷尚可云誤焉有傷多而出於誤者乎若不
示以限制將來伊于胡底應請嗣後遇有卑幼毆死
期功尊長之案若實在無心一傷適斃者仍照舊例
辦理外其有一傷以上者必須詳細嚴究按律懲辦
不得仍泥陋習濫請夾簣等因查例載毆死本宗起
功尊長罪干斬決之案若係情輕該督撫按查定擬

止於案內將並非有心干犯各情節分晰叙明不得
兩請法司會同核覆亦照本條擬罪核其所犯情節
實可矜憫者夾敘聲明恭候

欽定若與尊長誤鬪係有心干犯毆打致斃者亦於案內
將有心干犯之處詳細叙明卽按律擬以斬決又卑
幼誤傷尊長致死罪干斬決審非逞兇干犯仍准叙
明可原情節夾敘請

旨各等語是卑幼毆傷期功尊長致死之案必實係誤傷
或情可矜憫者方准叙明可原情節夾敘聲請恭候

欽定若與尊長互鬪致斃自不得濫行夾簽致啟干犯之

漸故

臣

部於各省督撫審題卑幼毆傷期功尊長情

節未確含混聲請夾簽之案曾經疊次駁審改擬前

於道光九年雲南省具題李迎燦毆傷胞兄李迎彩

身死案內聲明例意通行各省在案茲據該御史奏

稱各直省卑幼毆死期功尊長聲叙夾簽辦理太寬

聲請嗣後遇有卑幼毆死期功尊長之案若實在無

心一傷適斃者仍照舊例辦理其一傷以上者必須

詳細研究按律懲辦不得濫請夾簽等因固爲慎重

倫常起見惟查卑幼毆死期功尊長其訊拜有心干犯者雖俱往來雜聲請而情節各有不同如係與人鬪毆誤傷尊長致死則應援誤傷之例夾簽若係救親情切毆死尊長或被毆情急抵格適斃並毆死罪犯應死及淫惡蔑倫之尊長則應援情輕之例夾簽其援引誤傷例夾簽之案尙可據傷爲斷至援引情輕例夾簽各案內如救親情切等項雖所毆不止一傷而情可矜憫亦勢不能不畧傷而原情似難限以一傷致滋格礙且查向來辦理毆死期功尊長案件

多有毆止一傷而情同互鬪卽照例問擬斬決者若
必至一傷以上始行嚴究按律懲辦則毆止一傷者
皆可諉爲無心濫邀寬典是意欲從嚴轉滋輕縱亦
非明刑弼教之道臣等悉心酌議服制夾發之例畧
限本嚴嗣因各省辦理漸寬復經申明例意奏准通
行乃近來各省尙有故爲開脫如該御史所奏改毆
傷爲誤傷化有心爲無心者推原其故蓋因毆死期
功尊長定讞時均係問擬斬決不過於疏內將是否
有心干犯之處分別聲叙卽使聲叙錯誤經臣部改

查例載斬絞人犯未經審出實情者承審官降一級調用審轉官降一級留任臬司罰俸一年督撫罰俸六個月等語嗣後遇有夾簽將並非有心干犯之處聲叙未確即將承審審轉各員照斬絞人犯不能審出實情例分別議處道光十三年吏部奏准通行

刑案匯覽

正具題亦無將聲叙錯誤之員交部議處之例承審者恃無處分任意增減情節以致毆死尊長之犯往往倖逃法網於倫常大有關係自應另立議處專條以昭懲創應請嗣後卑幼毆死期功尊長之案務令承審各員嚴究確情按律定擬仍將是否有心干犯之處詳細聲明不准稍涉含混其聲叙未確臣部核覆時更正具題即將承審各員隨本附叅交吏部分別從重議處如此明立處分庶承審各員恐干吏議不敢不詳細研鞠據實聲叙而增減情節之弊或可

漸除矣如蒙

俞允臣部移咨吏部並通行各省查照辦理等因道光十

二年十二月二十二日奉

旨依議欽此通行

刑案匯覽卷四十一終